

翁山詩外

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

05

14 OCT 1951

T 5460/p2 14.3

共十二本

五

翁山詩外卷之八

番禺 屈大均

五言律四

靈谷寺

往日山門外蕭森十里采梅花因太祖香水自神
龍烟雨宮城暗莓苔輦路封封興亡無限恨消得一
聲鐘

西樵

幾處飛崖斷因采作一橋風多長化水雨小亦生
潮垂釣來紅女牽舟上紫霄年年茶筍候人競入
西樵



西樵大雨同雪公往碧玉洞觀瀑布

驟雨驚林壑開門落葉紛遙知東瀑布澎湃下重
雲破壁虹蜺出隨風珠玉分蘿衣沾溼盡援引賴
夫君

京江舟中望金焦二山作

一水分京口雙峰作海門潮蒸寒日氣天插白雲
根十里鐘聲接中流塔影奔茫茫吳楚恨嗚咽與
誰論

寧陵道中贈梵公

黃河猶未渡悵望雨紛紛久客親形影長征厭水
雲村荒難乞食日暮易離羣何夜嵩陽寺疎鐘定

裏聞

重賦梅花爲陳伯子壽

兩度梅花發相將紫塞看移來浮嶠月爲爾不知
寒積雪含春色微風落玉盤平生無可贈惟有此
瑯玕

讀白堂詞選作

南國傷風雅詩亡但有詞草堂多作者北宋復今
時才子兼能選風流亦可師定知徐孝穆更與玉
臺期

和杜二雪中入潼谷作

泥深潼谷路人馬滑難行雪以河形失冰將嶽勢

平當關非漢將踐率是秦城白帝祠前宿愁君永
夜情

夜集焦將軍宅作

白髮奈春何紅顏塞上多迎來紛寶馬舞去得花
羅絲管沉明月壺觴起綠波將軍饒逸興天曉戀
鳴珂

步出虎山橋作

二漚太湖通橋橫玉鏡中雲光晴在水雪氣冷含
風鷺下多盤石烏啼只故宮花開先柳葉斟酌白
還紅

題梅村集

七字初唐好司成變化中自兼長慶體先賦永和
宮事補先朝史聲高列國風遺音在流水洄湖意
無窮

集張帶三先生草堂分賦

勝日簪裾會吳淞水一涯鶯知公子意花落美人
懷芝草方逃漢鱸魚不上淮季鷹賢父子白髮更
相偕

夜坐蔡五玉得齋作

平生此清夜不負白雲鐘世事餘明月天心但碧
峰微言因酒發薄夢與花逢隱几誰能似人間一
老龍

初夏集蔡氏園池作

江南櫻筍會最重是清和柳色全欺酒花光半染
波白鷗人事少黃鳥友聲多芍藥勞相贈情如欲
別何

秦淮觀水漲作

春盡流方滿微茫接鳳臺黃因山雨發青是海潮
來野淚猶洋溢天河未艸萊年年鳧鴈意太液望
重開

題怒吳樓

在天門山祀漢壽亭侯

一片吞吳氣風濤共不平天門高廟貌江左畏神
明正統還先主偏安亦漢京仲謀真國賊遺恨是

連營

絕代髯超逸名高季漢書千秋猶討賊百戰未寧
居豚犬魂安在蛟龍氣有餘東吳尤可怒乘勢竊
皇輿

辛苦興王業春秋義最深三分先帝淚六出武侯
心漢月光猶昨江濤怒至今樓高橫采石戰氣日
陰森

蔡五携尊過江東門寓軒

繇來江左客第五最知名青歲偏聞道丹砂亦寄
情行携春酒美坐愛夕堂清罌粟花枝下歡看稚
子迎

時見子
二子

菊

黃菊叢叢發貧家有好秋葉兼慈母饌以菊葉拖麪油煎之
花為故人畱不幸成高節無端致白頭年年遲暮
意因爾一忘憂

嶺梅

嶺梅冬已發香總在南枝霜共黃花溼風兼絳葉
吹雖寒無雪覆即早有鶯窺隔歲春光滿江南姝
未知

七夕婁門舟中有懷

年年牛女夕江上起相思天上猶難見人間詎可
期淚浮銀漢滿歌送玉杯遲一片婁東水含愁無

盡時

故人

故人惟五老長在匡廬山笑我十年去無成終不
還玉川飛瀑上金竹大坪間兩處堪棲止浮雲且
自閒

哀殤

母魄藏梅子兒魂在上河荆吳千里隔風雨兩秋
過夢以黃泉好情當白首多高堂知此信露灑更

如何

已未秋七月喪姬人陳氏於漢陽九月至金陵而陳氏所生子阿遂年甫三齡以失母亦

死梅子山在大別之尾上河在金陵江東門外二墳相望杳然千里傷哉

無母誰憐汝酸啼絕乳時提携勞二妾喪亂苦孤

兒大別魂來抱長干骨未持歸舟多涕淚總爲兩
墳悲

湖口守風作

舟自秦淮發江行歲欲除一風起彭蠡十日望匡
廬身在因聞道途窮爲著書妻孥紛涕淚食盡有
湖魚

清濁鴛鴦水微茫此合流江穿彭蠡去山逐落星
浮鴈早先過嶺鳧寒故近舟蕭蕭雙短鬢空與荻
花秋

漁父勞相問蘆中又一人圖書青草沒兒女白鷗
親十日依沙嶼三年似水蘋浮沉吳楚好終是北

堂身

鷓鴣飛不北歸計只番禺妻子皆南客
蠻已_雀有老夫水聲秋在石山影晚當湖莫恨多
憔悴先人是左徒

左蠡蒼茫外黃巖彩翠中雙帆難出浦十里亦愁
風瀑布無心望梅花_嶺有夢通天生大蝴蝶只

許在禺東

鷓鴣元有志豈畏朔天寒日是羅浮早花惟漲海
舟將歸兒女喜未到水風難清絕高堂月猶從夢
裏看

縣外江湖合波濤盡白頭芙蓉吹已落復作大孤

浮蒼翠連三楚蕭森起一洲平生慚惠遠不向虎
溪畱

廬岫須臾失湖光變白雲波濤將布水總作雨紛
紛竹影寺名何時見采聲昨夜聞夢魂如可再更去
訪匡君

萬仞香鑪影飛來帶紫烟
懸月射湖光直風吹嶽勢偏
白鷗知寂寞一一酒
尊前

雨中多白鷺爭拂釣船飛
楓葉明墟落蘆花隱翠
微石鐘風外響漁火夜深歸
未遂浮家志霜鱗此地肥

幽幽三峽澗人飲玉泉肥
自向白雲去長因萱草
歸九江愁挂席五老枉開扉
日與南風守那能白
髮稀

片帆旬日駐未赴石人期
廬山有石人峯鸞鶴那知義龍
蛇自有時霜驚寒氣早雨愛
暮聲遲漁釣難爲食
王孫且莫悲

蒼翠朝來好風多影不分
吹將千仞水散作半空
雲蘭棹那能發漁歌故使
聞厭看烟火外白鷺點
氤氳

朝朝湖口泊五老笑人愁
日月三年擲鴻濛一嘯
收妻孥催白髮射獵及清
秋歸向梅鋞嶺英豪事

可求

求魚飛復下誰道鷺鷥閒芳草雖無地浮雲亦有
山風波消壯志歲月長愁顏收拾浮生事天容更
掩關

颶風如漲海十口日驚心雷雨爭何事蛟龍病至
今雲開湖鏡小山沒浪花深三日羨魚好行將典
素琴

兼旬風雨苦力盡半船書老使文章貴愁令嘯詠
疎沙寒初有鴈石淺更多魚安得高堂許柴桑竟
隱居

香爐空外起一氣日氤氳石色青天地花光白水

雲雨來鳧雁合風起瀑泉分縣小圍山半人烟易
夕曛

嬌小憐兒女從人望翠屏不知廬嶽好只愛大孤
青三歲來吳楚全家作水萍風波驚一路最險是

宮亭

彭蠡一
名宮亭

烟雨同三婦瀟湘禮二靈省將南嶽寫衣得女花
馨抱子還梅嶠從姑說洞庭無窮風水事江漢肯
重經

勝地惟江左畱居惜未成妻孥思素業兄弟恨虛
名散帙驚濤濺開帆白鳥迎彭湖不可渡半月阻
歸程

首路爭鴻鴈深秋家未還西江淹桂楫南塞阻梅
關寶劔空多氣香醪不上顏裁詩頌風伯咫尺是
廬山

烏鳥思歸養雌雄失路時音聲南客愛文采北禽
欺日落收帆早風清解帶遲故林多食物最好是
離支

峽江縣

縣小全無地城高半在山人家雙杵急野渡一舟
閒月出夕陽際烟生秋水間沙洲防閣淺帆宿及
前灣

吉州感事

螺川清且淺水色映青原沙漬二年血風飄百戰
魂皆憐都尉苦莫念鄜生冤一自生降去聲今爲
爾吞

兩年酣戰苦人恨小韓信雨暗青燐影風高白骨
塵親軍難救汝奇道不先人永夜帆檣宿因君淚
滿巾

驚人惟間道老我是孤城深入應無敵遲行自受
兵師徒隨雨散壁壘與雲平飲盡將軍血蒼茫哭
一聲

少卿詞賦客豈意亦能軍玉貌重圍損金笳怨曲
聞刀環誰贈汝劔客幾從君一片驪驪氣長吞大

莫雲

三峽澗

廿四溪潭滙驚雷響不通如何三峽水都在一橋
中白噴炎天雪寒吹古澗風棲賢僧舍外坐久瀑
聲空

梅銷

庾嶺惟秦塞臺侯是越人重瞳封萬戶句踐有孤
臣瀆水鄉閭舊鄱陽俎豆新千秋交廣客欲繼入
關塵

艱難自梅里此地奉君王豈欲興於越惟知祀少
康讐從高帝復名在漢書長食采梅花國人欽萬

古香

蠢爾龍川令乘時竊一州徒能欺二世不解助諸
侯冠帶遲南越車書阻上游將軍句踐裔智勇著
春秋

贈安遠水驛汪丞

一路連舟下艱難至越門汝官秋水驛吾卧白雲
村十口蛟龍出三城虎豹存軒轅讀書處爲我置
琴樽

莫道官微甚前賢重抱關況當中宿勝堪在上方
閒帝子弄長笛佳人歸玉環經過多賦客因爾叩

雲山

上方謂飛來寺

山水矜三峽君臣

軒轅二帝子稱二禹君其在二臣日初日武稱二禹臣

在二

禹官衙紛彩翠仙跡未虛無吹角江城暮維舟野

寺孤隨潮經一宿多謝酒頻沽

詠史

匕首頻虛發無成愧丈夫心悲雖故國事去未窮

途鉅野堪為盜朱家且作奴如何慚一母無食向

江湖

過陳丈園

七載不相見玉蘭如我長香多王者物花是老人

糧養壽宜閒事畱春在醉鄉東園公寡友相與只

張良

珏研

張君篆得兩玉研予以珏研名之

雌雄雙玉研追琢益天然日月元同命珏璋自比

肩氣應為美女光定燭高天宜爾題詩筆沾濡出

紫煙

張有愛女能書故第五句云云

贈尹子生日

君從年少日人外已能閒有道須耽酒無心即閉

關水推窓戶綠花點鬢毛斑歲歲春無事相逢總

玉顏

夜夜觀垂象長星欲竟天心驚離亂後計得廢興

前碩果誰能食喬采自有年紅橋花裏渡咫尺即

飛仙

尹君有三孫甚憐愛詩以贈之

君里亦西豪人才兩代高兒生珠子樹父與鳳凰
毛不以龍孫小而忘燕翼勞家聲承乃祖青瑣更
分曹

贈友姪林赤見

有美忠良後人稱小鳳凰汝才須麗則吾道亦文
章珠曬當明月梅開及一陽親仁諸父在孝友與

天長

珠池中每當夜靜月明蚌
蛤必開一甲以晒其珠

答于鼎

今代神交我無如君弟兄心從天外得日向夢中
成黃海期終踐炎州事已平寄言峰上月畱爲綠

樽明

風雅三閭變離騷萬古師漢時多弟子今代只孫
枝爾賦追南楚人稱似景差貽予雙五律麗則掩
當時

九月藥亭宅見梅

梅喜炎州暖長開在菊前年芳能自早秋色爲君
妍朔雪從無地南花更有天忘憂須此物泛泛酒
杯傳

菊

蠻花皆早發黃菊獨宜寒雪少英難落霜微葉已
丹香從梅外得甘以露時餐秋色爲春色畱君隔

歲看

冬菊贈人

節過無人賞芬芳實在今香分梅萼暗色與雪花

深

嶺南人以瑞香冬開稱雪花

甘苦平生節榮枯一日心年年

當小歲君向粵中尋

寄扶晨于鼎文治兄弟

款人

一片成黃海黃山信有無湯池在烟霧石笋似菰

蒲峰好人相讓采多汝不孤平生懷小舉

黃山一名小舉

可得上天都

愛爾賢兄弟真同大小山采高爭嶽出花好與人
閒歲事先秋盡天心及早還才多無不可嘯詠且

相攀

梧宮

范蠡未霸越五湖安可浮故人盡西子終古一扁

舟雪氣含烟白山光逐水流梧宮何處是蕭瑟近

長洲

詠史

自古皆亡命英雄豈異人龍蟠憂有氣虎變患無

身孺子雖神智圯橋且隱淪篋中兵法在端可滅

強秦

寓居江鄉有作

扶牀多稚子敦杖有慈親甘苦同黃菊浮沉在白

蘋未歸華夏國猶是亂離人
采樹能霜雪天寒蒼翠新

贈水巖研與韜荒

一片九淵質摩娑真氣蒸
端方山嶽立溫潤水雲凝
洗滌防兒女提携得友朋
贈君歸著作世世寶相承

研向寄盛南樵家故有第六句

移家返沙亭賦贈家泰士兄

親年若流水喜懼兩交心
身許須他日家移且舊林
君能衣彩筆我亦食瑤琴
一自爲高節窮愁共至今

二月沙亭好家家有蜀茶閒
持一尊酒徧賞四鄰

花哀怨傷天性沉酣答歲華
賢兄見見春草麗句輒相誇

田尾村居

葛蔓滋三徑榕陰蔽數家
農收霜降稻圃落小寒
瓜魚戲流雲亂蟬嘶落日
斜杖藜無事極吟繞未
開花

秋日石門山房作

一葉驚山鳥蕭蕭秋欲分
天寒難作雨地溼易生雲
石氣衣裳透蘭香几席薰
美人如玉魄月下影紛紛

沙灣作

青鏡休相照愁人未有顏年豐偏乏食時至尚局
關雪白花迷港霜黃葉滿山扁舟安所往魚鱗足
西灣

舟入灘山贈內

舟穿巖洞出石乳滴人寒袖溼千峰翠顏分萬葉
丹烟深山影少風亂水聲難一樹幽蘭草青青盡
日看

艸堂夜坐作

蕭瑟艸堂風無眠夜欲中劔光寒透室琴響靜流
空智在年方壯文多道自窮行藏殊未定且作浣
花翁

京口眺望和人

岷峨萬里水東下阻金焦森森連三楚茫茫送六
朝亂帆隨白鳥哀角響青霄京口英雄地檣蒲未
寂寥

對月

暮雨過天末秋光出水濱幽心知最早白首見如
新皎潔終辭夜悲歡幾累人他宵江海上寂寞更
相親

朱人遠曾經屈沱作歌屈沱者三閭大夫所

居楚人謂江之別流爲沱云

秭歸南部外傳是左徒家有客尋苗裔維舟向水

涯仙成爲海伯記稱三閩爲海伯賦就散天葩祖述多高

弟如君更麗華

詩亡騷乃作風雅變逾深不是忠誠者安知諷諫

心花連漁父舍苔長女嬃砧紙上多香草童蒙拾

至今

王學士亦經屈沱作詩予復和之

一從騷聖作萬古楚聲多懷石知何處爲家在此

沱地因辭客著陸放翁始作屈沱詩祠羨故人過再拜投詩

賦魂來自汨羅

吾鄉臨一水亦用屈沱名伏臘湘纍廟絃歌楚些

聲宗惟南屈盛辭未使君輕家學元騷賦依依忠

愛情

劍池作

聞道闔廬劍三千泉下藏揚精爲虎氣逆理是魚

腸露滴梧宮冷烟流鶴澗長墳西鄰紫玉山鬼綺

羅香

白虎君王氣千年隧道中精靈歸落日歌舞散秋

風峽底三泉鑿林間一徑通數聲鐘磬響山鳥暮

爭叢

湘君辭

翠華殊未返終古一相思淚作湘江水痕畱古竹

枝蘭旗雲外度瑤瑟月中持更化雙青鳥銜珠向

九疑

連州舟中

六月湟川道舟行奈熱何三朝三峽在一日一灘
過力盡因拳石心驚豈怒波炎風吹不動片席礙
藤蘿

石垂太古乳泉濺半天花倒插雲根亂橫開水口
斜聞聲知瀑布望氣識丹砂勝地堪棲隱吾茲鬢
有華

湘中作

帆掛半邊風空江縹緲中山光全在水秋色欲來
鴻艸短村墟出林疎烟火通湘潭多少路數數問

谿翁

頻因衡嶽失盡見水灣環九向瀟湘好三從岫嶺
攀花開人競上月出鶴方還欲謁祝融去來春可
得閒

次沅江縣

沾酒停蘭槩蕭條見暮鴉城空無水客縣小只漁
家乘雨鷓鴣放隨風片席斜秋來多樂事夜夜宿
蘆花

寶積山謁諸葛忠武侯祠

宗臣勞六出正統恨三分事迹高青史祠宮落白
雲人思炎帝德天妬伏龍勲媵臘西南俗依依薦

紫芬

不出無章武隆中豈敢閒委身因帝胄守蜀在祁
山智數追三傑忠誠動百蠻桂林多俎豆故老淚
痕斑

出伏波門遊于伏波山之下山有巖俯臨灘
水王副戎行館在焉題以贈之

城標雙筍石石上滿飛樓巖穴通千嶂雲林響衆
流藩王遺別業羽客有丹丘屣步堪乘興何須去
拜侯

代景大夫舟自五屯所至永安州之作

空城秋艸裏往日五屯分兵起人烟盡天陰鬼哭

聞一官投虎口三日仗狼軍馬脫追兵手揮鞭墮

澗雲

蒙江三水合春色一村來花好難爲見琴悲不敢
開閒官似麋鹿舊隱已莓苔安得乘西漲揚舲返
越臺

路失三江口身隨獨木船雨淋衣總透冰裂手長
拳士苦寒披甲村荒夜控弦行行射生物糧盡賴
豚肩

暮冬林葉盡一一鳥巢寒霜薄艸微白雨餘沙欲
乾灘多行苦緩舟小坐難安歲晏無歸計飄零恨
一官

關山行萬里旌節駐三年一將書生任孤軍絕域
懸糧空難殺馬水惡易崩船歌盡思鄉曲氊幃凍
不眠

水定灘猶怒冰乾樹有光鳥飛將落葉人嘯在幽
篁野飯嫌花片山眠愛乳牀行行且遊眺忘却事
封疆

澗肅烟光淡林空雪籟微灘灘畱客影葉葉在人
衣地小山相束天長樹作圍不因簡書在便此掩
巖扉

竹間三尺水花下一人船竹密難通月花明不受
烟家家紅樹裏一一翠屏前篙響雲中落魚驚入

稻田

炊烟寒不起日出翠峰明萬木垂猿影千巖應鳥
聲石多灘子苦舟小野人輕飢渴慚徒御淒涼此
一行

終年灘瀨上汎汎亦忘機鷗鷺如相識雲山不忍
歸被隨天雨溼舟共水花飛少治軍書暇林端一
振衣

天光清奪水雨氣暖成烟石激泉多咽崖崩樹半
懸微行時採藥不戰卽安禪七尺今猶壯堪爲大
漢捐

行隨溪曲折艇小水禽欺雨入蓬窓亂雲開石壁

遲漁樵何負汝丘壑亦多師于役過青歲艱難早
自疑

終日憂慈母軍中食不甘寄書猶未可望遠更何
堪桂水兵難下榕城戰正酣皇天憐物性早使鷓
鴒南

代景大夫歲暮客建陵作

不雨難成雪乾風日日吹不雨雪而依人寒更早
為客暖無時母老如何出官閒未敢辭連朝烟火
斷莫遣我公知

歲向愁中盡無家又一年庭闈兵氣外妻子戰場
邊介馬馳空返彎弓射不前將軍應踴躍寇壁不

曾堅

白髮絲絲見丹心寸寸傷無才消妒忌有力怕騰
驤戰血衣猶溼戎弓夢亦張蒼頭軍散盡歲暮去
何鄉

一室寒無火籠窗坐待春龍刀多易米獸盾亦為
薪諸將羞相結孤軍已屬人拂衣須及早歸潔白
雲身

不知新歲至官舍冷無烟朝磬隨僧食春帆與客
懸生還因一馬夢去只中田玉貌當年好峩峩亦
仲連

漸驚弓刀盡囊空直至今官貧無歲事戰苦有禪

心樹樹峰爭出灘灘水未深水開魚欲上垂釣復
鳴琴

且喜諸軍散猶嫌一劍畱言高真是罪命苦復何
求孔雀沙中浴文魚石上遊自今飛遯意依舊似
羅浮

散帶慵趨府焚香愛掩關無心交貴幸有道在清
閒發弩何須中脂車只合還無端成小草不敢見
青山

平生蹈白刃浩氣四方聞片語消羣盜空拳作一
軍寧辭兵事苦所恨將權分安得承嘉惠還山卧
白雲

方披銀鎧出卽振土珂回諸將勞相妒孤臣愧不
才雪消春艸茁風轉臘梅開寵辱曾何有陶然一
舉杯

病以憂時得愁如失路何賈生無淚久韓信欲亡
多雪盡梅方蕾冰開水始波白衣歸教授吾道在
巖阿

雨暗江城色炊烟溼不高柳風吹古渡花水滿平
皋客裏偏多疾行間故積勞官貧無藥餌欲典呂
虔刀

卧病戎旃下時來反陸沉平生惟飲膽一夕遂灰
心電箭身曾受霜花鬢已侵白駒徒見繫不肯放

歸林

一片瀟江水長流嗚咽聲夢因笳弄斷心以劔花
明川阻蒼梧路山迷白電程何如鴻鴈好羽翼及
秋輕

分水寓廬作

大雪嘉魚出南風白蜺肥携來湘峽少載向市橋
稀山海愁多盜鄉園老未歸先公涌口墓咫尺亦

相違

嘉魚產小湘峽以大雪時出市橋魚鹽所聚密邇予鄉沙亭亂後蛋船稀少魚貴於曩

時矣

茲鄉魚米貴商賈競豪華本業無人務浮居總客
家寇來稀撥槩船名海盜多用之官至盛吹笳百貨俱難

得貪泉遍海涯

西北雙江水從茲溯上流帆檣爭好步歌吹動閒
愁茉莉香漁艇枕椰暗客樓王商多厚利絡繹上

雄州

歲朝詠史作

陰從元日合寒向立春來肅殺何時盡陽和詎肯
回乾坤兵氣塞歲月漢疆開泰乙親祠未還期指
越臺

未增冠帶室空老霸王師北指蚩尤暗南行太歲
遲陽門風已轉陰國雪猶吹辛苦梅花發先春自
一枝

諸將能鋒銳何須咫尺書王師憂外老敵國惜中
虛水急官橋斷山長戍鼓疎攻城原下策萬衆莫
踟躕

艸野猶王土江山匪故家長眠思白日每飯念神
華漢壘無龍額秦關有馬加南枝春信斷休問嶺
頭花

立春先一日寒絕雨難晴未盡玄黃血猶含殺伐
聲北人嫌日暖南國喜春明雪自邊關至年來滿
越城

二雛孩笑日三婦麗華時不少閨庭樂猶深歲序
悲英豪難首事幽獨易先知學易何曾晚吾將自

得師

宋玉

荆南多巧說宋玉尚微辭神女空魂夢湘纍已別
離荒淫言是託搖落氣何悲師弟皆忠愛襄王自
不知

臺懷地在五臺山懷內故名臺懷

路從幽澗上寒踏萬年冰寺寺天花飯山山寶塔
燈九蓮瞻聖母千咒施神僧采得零零艸香從

暖處蒸臺上有水一大塊色如黑琥珀云萬年物

孝定皇太后有神宗皇帝之母神宗嘗尊為九蓮菩薩有喇嘛僧咒術甚神臺上多零零草

美人

美人愛辭賦自號曰文君天使鸞鳳合人教綠綺
聞千秋一放誕絕世此清芬錦水琴臺在高高入
暮雲

望太行

一石連千里峰峰石上標北襟恒嶽大西接舉山
遙口外非戎索關中本漢朝茫茫形勝在天險為
誰驕程明道先生謂太行山千里
片石衆山皆石上起峰云

立春日作庚申十
二月望

嶺外寒偏劇窮陰起穗城風將南雪散雪以北風
成漢臘先人重蠻方本業輕明年還隴畝且喜立
春晴

生菜高堂獻春盤稚子分花寒愁早發鶯好喜先
聞煖以圍爐得香宜水熟薰貧家多縹布風雪莫
紛紛縹布乃攀枝
花所成者
兼旬愁雨溼一夕喜風和未暖梅香少將春鳥語
多遺人能老大舊事尚悲歌心以鬚眉壯菱花奈
我何

弔厓和宣人

乾坤於此盡海底有中華魚腹懷忠義鵑啼為國
家雙峰天作闕兩廟地沉沙歲歲蘋蘩薦勞君此
水涯宋亡厓山死節者甚衆惜大忠祠
未盡以配享吾嘗議追行此禮

贈鄆城周子

有美高魚客應從德行求先賢依冉子家在伯牛故里之南
故里在盤溝五字吟長日三山寫素秋江南風景
好更欲一春畱

送人出嶺

五嶺無南據羣星欲北流天將蛟蜃盡人以水雲
畱烈士年宜暮先公志定酬龍雲蒸變日尺寸亦
橫秋
蹤跡雖疎濶情深患難餘艱難畱碩果隱忍曳長
裾別酒傾香浦離心託錦魚東湖徐穉宅相訪待
巾車

題洪先輩廬居冊

皎皎白華躬廬居洞壑中淚枯何代柏聲亂一林
風紫極心長貫黃泉夢故通寄聲烏鳥道移孝事
無窮

柬程生

有美如王衍瑤林玉樹姿朱絃清廟曲香艸大夫
辭雲母箋頻疊芙蓉筆早持風騷多祖述更與玉
臺期

書廣東陳督學冊子

斯道濂溪後江門是大宗今君至南越何以起文
恭玉振微言在苔生古路封楚雲臺咫尺几杖願
相從

嘉魚李先生承箕嘗至白沙築
有楚雲臺講業君楚人故云

炎方文學地教育憶莊渠吾道先無欲人師不在
書願將時雨化長被祝融墟更爲修文獻編成進

玉除

粵督學楊瞿峽先生
舊有嶺南文獻一書

哭亡兒明道

辛酉

又忍西河淚吾茲敢喪明烏生餘一子猿哭只三
聲鞠育勞王母孩提失所生螻蛄空九歲無命養
難成

四歲嗟無恃全憑祖母慈甘瓜根蒂絕老鳳羽毛
垂失乳身嘗病雖貧學未遲從予歷吳楚黃口已
流離

萬里頻隨父艱虞自幼齡新歸作吳語初讀喜葩

經筆札能多取絃歌解細聽童魂方二尺可復伴

囊螢

庾信傷心極

庾信有傷心賦悲二男也

勝衣恨二男從來詞客

淚不獨爲江南寫愛采烟好餐餘荔子甘

亡兒先一日猶

啖荔子二枚猶乞

東門難不哭朝夕淚長含

汝母知書甚埋香已六年黃泉今教汝紫玉未還

天歸妹真無實

先是予娶繼室季黎

童烏不與玄

道香詩卷在誰與守遺編

季黎所著詩卷名道香樓集

返葬陪而母淒涼向海雲前爲西鴈冢

亡女西鴈乃王舉姜

所上是舉姜墳地下精魂聚人間骨肉分秦淮將

漢口相望在斜曛

亡次兒阿遂葬秦淮上其母陳葬漢口之大別山

一夕南禺桂團團泣露華芬芳終不實搖落且無
花兆夢曾何益當門未可誇嘉名徒錫汝吾母恨

無涯

亡兒初妊吾母夢有大桂當門既生因命小
名曰阿桂亡之二日吾母始言其故嗚呼當

為爾應稽顙雖殤是長兒三號腸已絕一痛暈難

支老母憂勞早皇天警戒遲平生情太過更在始

衰時

憶從南海帝禱得石麒麟德薄難留汝門寒每畏

人

先是予禱波羅廟因生亡兒子以金
大書南海之帝四字於額以答神呪徒然勞嶽

瀆不得照星辰夭折皆予罪從何贖此身

書聲猶在耳課讀未從容病後茹葷少春餘衣裕

重參苓催命易狼虎啞人凶兒先十日夢有
人屠其四體不是

聰明甚從教學作農

自損真何益憑將慰老親既然非我子不若未成

人造物元相戲空花豈是春千秋亭下水嗚咽莫

沾巾

兩年離祖母苦憶故歸來患難吾雖脫饑寒汝可

哀如知應入夢不忘更投胎乞以愚終老皇天不

愛才

五十方知慕平生悔遠遊徒令遲得子豈有早封

侯鴻婦悲三喪豚兒喜一畱自今王霸意不敢愧

黃頭

六月十八日作

兒亡今一月魂夢未曾離淚落人爭問神傷自不知才因妻子減情以死生移蕭颯秋將至蘭摧剩一枝

平生無一善天意自如斯老亦因哀樂貧多損孝慈鴟鴞頻取子風雨未安枝辛苦惟生計無成值此時

送賀子返維揚兼寄宋子

爲有貪泉好番禺盛客遊海將珠母徙天以石人畱寂寞勞相慰歡娛得一秋不堪揮手別悵望是揚州

故人惟宋子意氣盡漸離爾亦悲歌客能憐畏約時筑聲今絕代劔術昔無師歸去同樽酒煩君道所思

蟬

一聲風葉亂教我艸堂涼不是居高樹從何見夕陽人疑流水至天與露華香清絕真慚汝依依爲稻梁

夜坐有懷二姑

新桐枝葉好未夕白鷗棲詎識離居者含情花下啼欲秋清露冷將曙絳河低不寐因明月徘徊蓮葉西

示洪兒

汝齡方四歲畱命到明年我自爲慈母兒應得所
天一絲懸祖德萬里返中田安得而成立衣冠在
客前

脆甚蘭方茁成花未可知絕無而父德徒有阿婆
慈一妹生同月雙兄死已期祖先靈爽在汝或得
耆頤

寂寞

寂寞過青歲悲涼爲暴秦筑中新有物鏡裏久無
人日出猶長夜花開已暮春皇天方降亂一劔且
逡巡

爲浙東周秋駕壽并送其行

自有浮生事炎天歷歲華青山空笑客白髮未還
家養壽宜天姥爲鄰定若耶而翁年至百傳爾有
流霞

湘湖餘我友

蔡大敬

雲卧不知秦樹樹皆君子峰峰

是老人君歸同白日自可得長春坐見蓬萊淺黃
生海底塵

寄謝北流

北流爲政好豈必學神仙日夕臨勾漏令人憶稚
川丹砂亦塵垢白玉自貞堅不見停雲什相貽已
數年

寄南社謝九丈

長懷南社老白首作香農香樹遺諸子香田在幾
峰故人巖壑少遠道水雲重蕪絕羅浮夢無因溯

石龍名水

白首

白首方求食高堂咫尺違長憂吾道失不恨世情
非耕鑿惟詩筆經營是釣磯自來顏色好因啖越
山薇

過韋五丈村居

莞中金桔嶺多是種香家地好能成藥人閒亦養
花無生非道妙不病即春華有客嘗新釀相畱到

日斜

悼蕭山來成夫蕃

苦憶來高士林居日寂寥茅茨猶故國締綌亦前
朝擁絮寒王霸持蔬槁鮑焦故人先殉節淚盡渡

東橋布衣潘集自
沉渡東橋下

柳橋橋下水長為故人清東海惟知義西山豈好
名諸生從艸野一死激公卿與爾皆奇節深予想

慕情諸生黃毓著自
况柳橋之下

訶林

一片虞翻苑泠泠鐘磬音蒲葵猶有樹訶子接成
林暮影催歸鳥秋聲在擣砧蒼蒼珠海月誰識是

禪心

佗城兵火後古寺隱蒿萊馬繫菩提樹笳吹般若
臺東西增鴈翅城牆名咫尺亦龍堆炊骨當年恨黃
昏鬼哭哀

道援堂作

朱顏堂上母白髮膝前兒萊子承歡日袁閔展拜
時猶多賢聖辱未可帝王師著述工何益斯文豈
在茲

珠江秋夜

明月生珠海蒼茫萬里愁笙歌喧極浦風露滿孤
舟落鴈驚難宿寒潮靜不流年來秋望苦不上越

王樓

伏波祠

天南臨海郡漢代伏波祠銅柱勲長在明珠謗不
辭馬流遺子姓交阯奉旌旗此日雲臺業扶風更
有誰

扶胥江口晚望

晚來鳧鴈靜疎雨過長空山色浮天翠漁燈散海
紅須臾秋月上搖蕩虎門東彷彿精靈出霓旌導
祝融江口有南海祠

贈張金吾璩子

伊昔龍門戰君當矢石先三千句踐士十四舞陽

年日落蒼梧樹雲沉漲海天有兄頻殉國流恨鵲
鴿篇

增城過張文烈戰沒處

山城百戰後蕭索似睢陽鬼哭無天命烏啼是國
殤幾人畱島嶼何處弔沅湘脉脉迴舟去聞笳更
斷腸

明月寺作

羅浮明月寺寺外卽羅浮萬壑梅花亂千峰瀑布
流天鷄鳴日觀玉女下雲樓邀我蓬萊去飄飄紫
綺裘

自冲虛觀入錦屏峰

路入黃龍洞陰森山氣秋萬朵寒欲折雙瀑日爭
流月吐金芝草雲開玉女樓泠泠風珮響渾與百
靈遊

繇雲母峰上大小石樓

獨上朱明頂高尋仙子蹤玉樓夾日月秋瀑飛芙
蓉白髮幾時變青鸞安可從何人弄長笛忽過麻
姑峰

暮自瑤石臺與具公荷薪歸

盤雲一徑微與子荷薪歸落日搖溪閣長風亂草
衣夷齊空抗節園綺未忘機明又西峰去母言苦
行非

西樵秋夜贈劔公

寒采千尺餘月過草堂虛野鶴和清嘯山風吹素
書昔予夢天姥與子控鸞車縹緲青霄外羣仙把
玉裾
美人善長嘯聲與鳳凰同百尺瑤臺上千峰秋月
中麻姑停玉笛白鶴下寒空奮袂將仙去雲間謁
紫宮

望月作

仙人白玉盤飛出彩雲端中有霓裳女迴風舞袖
寒黃姑隔河漢北斗怨闌干吾欲驟鸞去無媒比
翼難

出獅子洋作

忽爾乾坤盡浮沉黑浪中火螭銜夜日金蜃噴天
風洗甲心徒切乘桴道欲窮朝宗餘一島尚見百
川東

春日洪州西山作

迢遞蒼山路洪崖不可尋風雷懸絕壁花藥暗長
林晚水東西渡春禽下上音迴看歌舞地高閣自
城陰

懷寄湖南尹叟

汨羅人已沒誰復採江蘼春水又云滿孤舟安所
之風沉漁父笛花落女英祠憔悴無相識惟應讀

楚辭

過彭蠡

水合九江平微茫接太清千峰過有影萬壑到無聲吳楚浮前浦雲霞蕩晚晴平陳功烈在遺恨與神京

登廬山作

峨峨天子鄣秀出斗牛旁地作雲屏盡天垂水帶長千峰各晴雨一氣自鴻荒誰與尋高頂迢遙三石梁

清曉登樓望湖山開幾重霞生紫泥海日出金輪峰服食顏初駐佯狂道莫容祗應同慧遠長聽虎

谿鐘

觀黃巖瀑布

萬仞晴川瀉崩雲落紫虛斜飛金蟬竦亂雨玉芙蓉響振寒采外光生旭日初天風無遠近吹去溼琴書

遊簡寂觀

陸修靜故居

蒼采餘幾樹種自陸尊師暮雨引龍嘯春風吹兔絲丹書雲竇祕仙馭鶴笙隨一片東林月長歌空爾思

獅子峰

獅子峰千仞南當五老尊芙蓉標玉柱瀑布蔽天

門月影采間石風吟峽上猿茅堂無結構恐動白雲根

天池

天池深不測萬仞嶽雲中高湧漢陽峯月下含彭蠡風雪消時飲鹿春盡不歸鴻忽作神靈雨虛無入楚空

康王谷觀谷簾泉

我愛康王谷泉飛萬壑深光生石鏡裏聲落玉樓陰滿地采篁溼終年雨雪侵何當接綠綺彈作水仙吟

彭澤舟中

雪隨微雨下江上最寒時路共邊鴻遠愁先碧艸滋潯陽多落木湖口有鸕鷀不見楚漁父蘆中日又移

洞庭曲

洞庭秋葉落不忍弔湘君錦瑟沉寒月鸞旌隱暮雲風蘿山鬼帶石竹女巫裙欲就重華問涔陽又夕曛

弔陳宮

三閣風流地春來碧草濃可憐靈谷寺猶有景陽鐘鍊鎖沉江盡雕戈繞殿重君王曾有計深井抱芙蓉

長干寺作

烟雨南朝寺青春過病中孤生太山竹半死暎陽
桐作賦惟哀郢尋仙未至高愁心將海月只在草
堂東

揚州

往日江南北鴻溝此地分通侯虛作鎮上榻但懸
軍螢苑青春柳雷塘薄暮雲玉鈎斜畔望芳草是
羅裙

莫愁曲

風吹楊柳花花下莫愁家誰駐青驄馬來邀孔翠
車新辭歌白苧素扇映朝霞一片秦淮月長教韶

麗華

贈楊太常正經

昔爾朝金闕先皇賜玉琴房中陳古樂太廟奏
元音漂泊干戈後淒涼淮海陰西方新有操誰識
美人心

別龔韓二子

翡翠生南海聯翩入帝鄉銜花難作壘織錦不成
章獨往愁眉綴羣棲恥稻梁故人在丹穴欲別惜
朝陽

題龔柴丈山房

竹徑秋初至茅堂寒已深虎風過亂草蟬露滴空

林招隱聞高詠安貧見素心殷勤南海月夜夜向
瑤琴

潤州作

缺甕城何處蕭條起戰塵江聲沉故國草色老行
人花壓妖姬酒鶯悲茂苑春樓船殊未至望斷海
門津

登支硎山懷桐岑子

山乃支道林
飛昇之所

支公乘白馬縹緲上丹青雲起蓮花寺天飛瀑布
橋聞君揮玉麈與客論逍遙異日南溟徒凌風一
見招

寄繆天白

浮雲日千里忽止南山阿豈不懷天末秋來風雨
多三湘空悵望五嶽竟蹉跎早晚天台上期君共
薜蘿

琴臺

二月春風發梅花滿洞庭美人乘畫舸采采入香
涇潮生胥口白雪盡莫釐青何處弔西子琴臺碧
玉屏

寄獨漉子

我從林屋洞撰得龍威書贈爾浮滄海遊仙駕鯉
魚雲帆懸若木鄉路指扶胥幾夜羅浮月相思望
碧虛

昆湖同毛子晉作

稻田三尺水茅屋幾重山日出漁樵散花開鷄犬
閒芳春猶未晚故國不須還且共琴川叟扁舟蘭
杜間

初秋與諸子泛舟長水

昨弔鴟夷子扁舟向五湖連峰七十二相送出姑
蘇秋水又將至佳人方與俱禦兒城畔月高詠復
登艫

樵李作

醉里春深日扁舟繫柳枝鶯花西子地烟雨大夫
祠白首還遊冶孤城幾亂離愁來看越絕淚灑卧

新時

西溪訪錢煉師

不盡西溪路漁舟入翠微青山花裏出白鷺鏡中
飛風過聞朝磬雲開見羽衣丹砂如可鍊吾亦玉
清歸

與客題冷泉亭

飛來有一峰挂在東林采翠壁蘿花滿澄湖白練
重行隨谷口月卧聽南樓鐘何用瑤琴奏清音是
石淙

答伍鍊客

予幼好吹笙吹笙作鳳鳴浮丘垂玉手相接上層

城桂酒神皇賜花幢織女迎遨遊過五嶽因此得
長生

懷朱十

羅浮禽五色絳羽是君王偶厭三珠樹翩翩下大
荒經年不飲啄萬里空烟霜有友芝田畔相思殊
未央

懷西嶽

一華金天配千峰白帝孫蓮花標玉井箭栝出天
門日月懸仙掌雲霞蕩玉盆何當登絕頂一望盡
中原

有客來相告曾攀玉女采黃河吞八水白雪倒千
峰樹繞秦關暗雲遮漢峙重從今攜手去夜夜宿
芙蓉

登任公子釣臺作

我來釣臺上俯見錦魚浮正有青天月纖纖爲玉
鈎千峰花映雪雙澗竹鳴秋安得桐江客長歌共
此遊

送客尋魏處士畊

傳語梁鴻客五噫歌莫哀青山天姥秀明月鏡湖
開我在耶溪口春登西子臺爲君置樽酒蚤挈孟
光來

贈秦尊師

四明開日戶霞向赤城分故國無芳草斯人竟白
雲春居桐栢觀夜過武夷君莫漫發長嘯恐驚鸞
鶴羣

若耶溪新築作

我有西施臺芙蓉四面開一聲洞庭笛天上月飛
來白露凝羅袂明湖瀉玉杯閒同川上女並唱采
蓮迴

寄蕭山張杉

聞君白魚潭蘆花秋半含持竿皎月下沽酒寒溪
南我欲遊天姥因之結草菴會當遣雙鶴來此迎
蘇耽

渡江同諸公玩月段橋

月從鏡湖來墮爾荷花杯荷花皎如雪齊向美人
開露滴羅衣冷風含玉笛哀啼鳥歌未罷車騎且
徘徊

畱別秀水桐開士

鴛湖何所有一片鶴孤飛愛爾瑯玕樹浮丘不忍
歸青霄聯羽翼白露戒裳衣忽作離羣詠愁心滿
翠微

喜王于一寓千峰閣

霞樓臨木末面面有千峰羨爾洪崖客
秦望采香爐飛翠靄天柱挂寒鐘明日雲門路相

將拾紫茸

懷迦陵

爾亦羅浮鶴飄颻歷海天別來珠樹上望斷鏡湖邊
風雨春將暮干戈書未傳龍眠山上月幾夕炤
安禪

登陶宴嶺作

飛步凌高巘秋空野望開萬峰盤禹穴雙澗落秦
臺射的雲中出樵風溪上來陶公不可見猿鶴爲
誰哀

有懷富平李孔德

我憶四秦客兼葭白露中虎

府國雞鞠少年

風關自閩鄉入門開率嶽通高堂春酒熟桑落是

蒲東

束帛自穹廬投竿別漆沮乞歸矜有疏却聘恨無
書芝朮千秋少雞豚一日餘何人猶戀祿不念倚

門間

與君馳驛騎趙代去相依作客從飛將爲媒得宓
妃越歌慚有木秦俗重無衣一自關河隔同心事
盡非

射獵柏林時英雄自得師仲連飛兔客亞次鬪雞
兒五代全臣少中華正朔遲最憐歸漢帝功在一
關氏

講授多新說無雙是五經先王存夢寐後進有儀
型紫閣橫天翠黃山映水青當年同几席相勉復
西銘

王翦舊頻陽尋君道路長歌呼還用缶慷慨已同
裳武帝祠三日伊人水一方別來秦越隔魂夢兩
茫茫

聞道徵修史春秋義未申溫公元晉胄景畧本秦
人艸野存遺直華厓有大倫九經知注就寄我莫
逡巡

之子從商雒懷予最有情事存漁父傳詩得楚人
聲地在離枝國家臨海市城書裁南裔志異物頗
知名

寄上石西州某知州

聞君稱本使南度鬼門關催貢馳官騎宣威向屬
蠻詩題銅柱上名滿象林間不受交尸獻留金在
諒山

風蘭

不必資泥土空中出紫莖花開知舉子葉吐解催
生風露能爲命芬芳詎用名真蘭惟此種不與蕙
同榮

贈秦尊師

四明開日戶霞向赤城分何處無芳艸斯人有白

雲春居桐柏觀夜過武夷君莫漫發長嘯恐驚鸞
鶴群

出楊子江

浩渺浮天地彭湖望漸微中流懸翠嶂萬里蕩春
暉擊楫心徒苦懷沙志已違昨宵明月滿夢裏識
江妃

和人度山澥關

可惜盧龍塞華戶第一關西蟠肥子國東鎖太行
山千里旌旗偃三秋虎豹閒誰令天險失流恨朔
雲間

秦樓曲

吾命豐隆去乘雲求宓妃鳳凰媒旣拙精衛魄何
歸偃蹇瑤臺月飄飄雒浦衣高辛先我合捐珮意
多違

女媧沉錦石弄玉失清簫冷落鴛鴦殿飄零烏鵲
橋馳情河鼓夕濯髮洧盤朝及此榮華在佳期望
二姚

安期

往日安期子人稱千歲翁相知惟蒯徹不用惜重
瞳玉鳥留何處蒲花采未終少君攜手去悵望海
雲東

苧蘿

芴蘿村上女美者出西家霸越憑歌舞亾吳是麗
華素蛾空外月紅粉鏡中霞清絕耶溪水千秋一
浣紗

壽李太君

生長神仙窟爲鄰是鮑姑車輪兒蛺蝶烽火女珊
瑚戴勝光華髮栽花作紫襦膝前多令子分得黍
珠無

送人返定陶

定陶多往迹君去作丘園少伯應留宅夫人亦有
村戚夫人定陶人千金羞自致一劍喜猶存且復
長巖穴貧中道更尊

題五洩山房

森森毛竹洞雞犬有人家石髓流谿上琴聲落海
涯蒼梧爲道士大藥是蓮花下界聞疎磬遙遙出
暮霞

贈鄭谷口

書家稱漢隸最首石經碑谷口今誰及中郎是所
師驚鸞多有勢折鐵更多姿瘦硬元眞法唐人巳
不知

登娥避峰作

一嘯白雲開群峰面面來梯從秦望轉衣拂赤城
迴花捲千巖雪泉鳴萬壑雷芙蓉天姥髻朶朶帶

春苔

和人登秦岱作

日觀乘夜上一嘯破鴻荒元氣初生子天心正用
陽雲霞飛玉女風雨走秦皇再拜蒼松樹何因壽
許長

玉表爲山主元非沒字碑空留封禪迹亦是帝王
師虎視終何益龍興自有時苔花迷御道曲折羽
人知

天門開闔處變怪是浮雲日出長三丈玄黃尚未
分天雞驚夢寐海市動氤氳誰似丈人石長爲鸞
鶴群

夷齊廟作

古廟當河曲清風滿道周求仁在薇蕨書弑卽春
秋淚共迷民落歌深太古愁佯狂吾不忍一歿動
諸侯

古人無歿節斯事始夷齊麥秀悲何益薇香采不
迷首陽餘俎豆孤竹失山蹊清絕祠前水徘徊到
日西

商亡誰發憤夷叔未蹉跎國恨三仁少人嫌十亂
多采苓存志節叩馬止干戈白首辭東海鷹揚奈
爾何

一餓無餘事微箕恨不同首陽惟爾拙柳下復誰

工舊國灤河上荒祠率嶽東可憐頑懦者終古不
聞風
歎息命衰時黃農不可期一身天下父百世聖人
師拜廟從雷首奉芳得桂枝長令百君子故國有
餘思
廟當壺口出名以墨胎垂大老真惟汝讎民更有
誰鹿銜甘艸過人與夕陽隨勺水殷勤薦風流慕
不衰
一代誰奔義千秋獨歿名弟兄方讓國臣子乃稱
兵苦命雖無怨悲歌亦有情廟宮頻下馬心肅萬
松聲

先臣

先臣何皎皎玉瑩復冰鮮香艸薰漁父文魚作水
仙九歌招日夕二女出雲煙玉佩持相贈遺芳蘭
杜邊

相如

相如能慢世却與藺君期意氣蛾眉重文章狗監
知騷人欣有後武帝喜同時婦亦君王后相逢不
自持
依隱同方朔微辭在大人當壚驚士女割肉笑君
臣酒向長門取琴當錦水陳竹竿吟未絕重使白
頭新

容州詠綠珠遺事

綠珠江水綠人向鏡中留金谷知誰似翔風見亦
愁月中教橫笛花裏墜飛樓自作懊儂曲風華不

可求

容州有
綠珠江

自舞明妃罷何曾秘玉顏裁縫絲布澁遊戲犢車
閒笛響虛無外樓高煙雨間容州誰不羨雙角美
人山

衛尉多音樂新聲號石家明妃怨秋艸房老惜春
華素手携雲閣清心叩海霞綠珠蒙贈曲恩重在
琵琶

自教綠珠曲明君與楚妃匣中憐玉潔糞上恨花
飛一嫁烏孫去難將黃鵠歸房中惟此引最濕美
人衣

石子風流甚凌雲志更長佳人憐博白別業憶河
陽淚灑穹廬外情深玉笛旁朔風那殉汝憔悴在
蘭房

一代紅顏盡珍珠信足珍房中徒有老樓下更無
人未得還金谷難忘戲孟津同歸多石友情以歲
寒新

韓畱

戴顓能念父不忍奏遺琴日夕爲新弄泠泠山水
音朝飛憐野雉暮宿向空林五十無妃匹誰知沐

犢心

出字石畊宛平人以其父參夫先生避亂入山不知所終因終身不娶以琴為食

上端州作

西上愁洄溯扁舟入瘴雲山從三峽合水向二江
分蕉葉村村映柑花處處薰夕陽煙翠裏笳管起
蠻軍

花下野人舟擔篙上逆流地餘青艸瘴人有鷓鴣
愁一峽牂柯束千家鬱水浮榕陰天半起知是古
裕丘

送人往依北流令

昔時勾漏縣城在洞天中山勢連都嶠雲門出大
容仙人今作令之子去從公吾道虛無裏丹砂笑

葛洪

送人之燕中

萬里燕山勢長蛇帶塞雄邊王來大輩朔馬滿離
宮萬戶哀笳裏三關大帳中園陵君莫問衰艸自
無窮

市井都非昔屠沽豈有人酒壚惟馬乳花陌總車
塵戎索今無外胡天亦早春遼東君更去好絮管
寧巾

初二夜月

生明纔兩夕無影與湘藍魄以蛾眉養光須玉鏡
含螢流星上下鴈宿水西南地名多少胎珠母團圓

望碧潭

初三夜月

蛾眉昨未成
今夕畫分明
乍出青天匣
如聞玉女聲
露含螺黛濕
雲上翠鬟輕
辛苦冰蟾汝
相依在玉京

上弦月

上弦今夜月
寒射暮煙消
一半山河影
含陰在沈寥
光微初受日
氣冷欲生潮
未得全開鏡
佳人隔斗杓

下弦月

下弦今夜月
隱映半規明
以雪光微食
因風影又生
江連雲漢瀉
天與水燈平
不寐憐蟾兔
殘時更有情

霜

蠻中那識汝
盡道雪花深
白露凝千里
蒼煙只一林
南風水欲合
朔氣日相侵
小臘頻催暖
應知造化心
炎方天氣變
臘月未春陽
不雨難成雪
無風但作霜
寒生冬至後
白滿越王鄉
日出爲煙霧
濛濛接海長

題靈山寺

峽從山寺入
江向水亭開
石氣含雲濕
松聲捲瀑

來新泉微出草細雪暗藏苔咫尺靈羊路停舟爲
折梅
枯枝人不折一一鶴巢成山翠一天濕江聲兩岫
平無多芳艸路不畏鷓鴣聲心逐霜鐘去迢迢鴈
翅城

靈山寺聽泉

一峰流未遠已作數峰聲月向秋光冷天從夜氣
生潺潺當峽口滴滴到江城石畔終宵坐禪扉掩
未成

貧居作

蕭散過青歲狂歌未免愁徒然書甲子詎足當春
秋鱸鯉親多喜烹葵客亦留厨牀長食宿懶更出
門遊

無以爲忠養艱難是此時白頭惟飲水黃口但舖
糜菊豈忘憂物梅非媚世姿固窮終已矣吾道正
如斯

乞食寧無路言辭拙奈何事親方日短爲道已年
多竹影宜明月枯身厭女蘿鹿巾時自著巢父一
相過

歲晏無幽賞黃華亦已殘餐霞難得道啜水且承
歡未卒先公恨那求白首安墓林霜露滿悽愴不
因寒

盤中甘滑少市上往來頻蒲筍歡同婦雞豚幸及
親黃蒸蠻芋熟白汎女萃新未是吾高逸先公此
舊貧

未有馳驅路端居且舊林坐間惟有膽行處已無
心酒漬桃花飲歌傳白石琴消摩能愈疾不遣二
毛侵

久已安農圃能將五穀分雕胡謝家飯大布孟卿
裙月冷光難見枯高響易聞蕭然人事外不義一
浮雲

俯仰真無計傷哉日以貧黃頭三歲子白髮八旬
人萊氏孀孀少焦公捃拾頻孤雲那有託衆鳥自
相親

荷鋤難力作藜菽飽無時大穗何曾取新蔬且復
持涼蟬風露飲野鶴水雲姿願似商顏叟療饑有
紫芝

事母憂無日殷勤糜粥間東西爲客倦日夕弄雛
閒敝絮慚王霸芳華悅令嫺醇醪新釀就白髮有
溫顏

家敝淵明苦愁如止酒何無嫌遊白社只愛詠荆
軻栗里田園少籃輿子姪多黃花吾與汝長此媚
巖阿

三徑歸來日黃花正吐妍羲皇入高卧王母與長

年紙筆兒初好耕桑婦亦賢武陵雞犬異風景卽
斜川

半畝聊爲圃清齋菜甲香土肥多廣芋山辣有蠻
薑竹子冬逾出桐孫日已長家貧稀肉味不爲學
空王

林園春色滿婦子喜歸來大小花含笑雌雄竹有
胎寒隨殘雪盡暖得早鶯催簞箸多漁具河水昨
夜開

經時山葉積苔蘚上幽軒荳蔻紅多子芭蕉小有
孫沉酣深酒性慷慨斷琴言盈手惟芝髓遙遙寄
綺園

五十嗟遲暮桑榆尚可攀素華初吐鬢紅蘂漸收
顏戀戀閨庭內依依懷袖間加年心未已學易掩
枯關

白鷺

不盡毛衣雪絲絲出頂長前身是漁父白髮似秋
霜片片藏明月飛飛過夕陽衝魚向何處家在白
蘋鄉

嘉魚

十月小湘峽嘉魚出穴多愛寒餐雪水乘暖下煙
波作鱸宜長至分甘與玉珂殷勤漁父意歲歲此
并柯

楊柳沙地名地邊有嘉魚人不知蜀江春出穴不與此
同時香以金橙亂甘因石乳滋天寒頻起汕燕飲
與君期

鯨浮與鯽沉不及汝滋陰南有惟茲好無殊丙穴
深歲寒頻出水春暖却歸林未入高堂饌連朝舉
單心

香狸

雙筋人爭下香狸果有香無多須小獵不少是炎
方食果三秋美眠花一尺長山珍都讓汝入饌有
輝光

靈貓相牝牡本草昔曾知豈意肥甘甚偏於口體
宜果香生骨肉花味入膏脂與客分嘗罷殷勤報
獵師

柳條

柳條長不已總是欲牽腸歷亂還飛絮氤氳更作
香無情化萍藻有意拂鴛鴦攀折那能去依依此
夕陽

菊

如何佳色裏只是愛純黃采采因無食依依爲有
芳能遲當小雪不早及重陽未忍餐英去枝枝正
帶霜

柑

向臘黃柑賤船船四會來甜因南雪得香以小寒
開玉爪宜陽擘冰盤擬盡堆芬芳堪作頌恨少楚
臣才

南中多橘柚一一逐臣師復有黃柑美離騷昔未
知綏州生獨異臘月熟難遲顆顆冰霜飽寒香沁
齒時

烏欖

樹樹雌雄實純烏是木威紅鹽乘夜落玉豉得霜
肥青讓回甘早香憐滿袖歸上林人未識羹和似
君稀青謂青果

端州天寧寺菩提樹

其老樹在廣州光孝寺唐時智藥三藏從西域

持來種於此樹無花有子其葉可漬爲紗

分種自訶林枝枝大士心無花與天女有葉是潮
音漬作冰綃好書成梵字深菩提元有樹唐代到
于今

季偉公有小玉盤詩以索之

未贈爾瑯玕難求雙玉盤不貪寧是寶匪報但爲
歡五作梅花出三從綺閣看定知漢平子先致慰
愁歎

燭

三歲珊瑚似純丹寸寸心花因長夜發影與美人
深風定猶垂淚煙多欲廢琴籠銜殊未已星漢正

沉沉

半照蓬窓夜離憂黯未央雪凝雙淚冷煙吐一心
長光外無明月愁邊有玉觴芙蓉那用樹寸寸是
春陽

漁網

不羨鯉魚肥朝來舉網歸結從漁父手張作海天
圍都絡秋方熟薯苓染未稀家家製罾布更有越
人衣

鳴榔

白板未驚魚鳴榔響碧虛數聲明月下十里蓼花
初予亦烟波客能為雪夜漁漁書三兩卷欲贈是

三閭

贈潘丈漢生

汝父偕諸父同胞四皓翁一家長壽種兩代丈人
風荷蓀君能似餐芝我亦同衣冠相與偉羽翼正

無窮

丈父秉彜翁年九十有八仲父嶠嶠翁九十八
有六叔父慶存翁八十有七季父慶餘翁八十
十有二皆有隱德有司嘗表其門曰一門四皓而
丈今年七十有七兩從弟亦皆七十餘鄉間咸以

慶為

野老能思漢心懸建武年長生待光復大耋見曾

玄藥得長桑秘

丈善醫

林多杏子鮮鄉園相接近來

往興翩翩

送客入燕

燕國無風雅人多北鄙聲悲歌從易水慷慨始荆
卿汝愛鼓刀客應藏擊筑名平生事游俠莫使酒
人輕

癸亥長至前五日舉第三子有作

一陽初欲動碩果早知之夢叶先長至呱聞及子
時生梯須女早取火厲人遲受易商瞿似他年或
五兒
彌月當冬仲歡聞墮地聲雷先三日復龍以一陽
生亞歲逢佳節高堂與小名雙珠多一顆掌上有
光榮

贈曹行人

故人同作客三值桂林秋忽似湘灘水分爲南北
流連枝有朱萼結駟至炎洲相見知無故蠲余一

片愁

故人謂令兄別駕君常與予宦遊西粵者也

殷勤一端綺知是寡兄心報恨蘭香少情憐玉案
淡乘騅爲漢使擊劍奏吳音願託南行紀芬芳達
上林

題吳湖州亭皋集

柳暉風流在吳興復有君人書團扇滿木葉與秋
雲茗雪辭雙渚瀟湘問衆芬江南還有曲歎絕沈
休文

贈吳文學

時從其尊人湖州公至粵

仙禽喜在陰有子和清音嗟爾西瀛草君集名還如
鸞鳳吟三城從几杖五嶺事登臨徐庾因名父流
聲直至今

七星巖下作

雲作芙蓉蒂湖開白玉盤天從雙石入人以一泉
寒水影多魚翠山香有鶴蘭臨流無所事祇是弄
漁竿

多事水芙蓉枝枝作一峰洞門開亂石地道出寒
枯自汲從天井人歸及暮鐘啼鶯雖咫尺已隔白
雲重

拔地幾千尺參差是籀龍孤雲因有本片石亦成
峰壁斷煙松接巖虛乳穴重無人嘯臺坐漸見紫
苔封

贈錢郎飲酒

錢郎能飲酒自謂酒星辰沉湎非無故佯狂未有
人陶公餘醉石紀叟有燒春我亦能荒晏相將漉
葛巾君醉歌行有我乃天上謫酒星之句

今代誰名飲韜精在竹林君從中聖外定得古人
心酒是離支好杯惟鸚鵡深炎洲須久客醉作越
人吟

梅

已從長至發臘月復重開朶大因多雪花肥不似

梅香先春氣動影逐片雲迴未盡鴻濛意東風且
莫催

東風元有意不敢後南枝一樹寒煙外千林積雪
時影從流水得香有白雲知莫掃飛花片春光總
在茲

再詠燭

花使蘭房暗春光在火中能令雙蒂並只爲一心
同月好光難入烟多氣未通汝南雞欲唱畱汝養
鴻濛

甲子初春賦得今歲花前五十五

白樂天句

今年逢甲子五十五年春願學白居易長爲花主

人嬰兒時自作弟子日相親堂上八旬母承歡未
覺貧

五十不如人蹉跎又五春無言能學易所喜未連
親萱艸煙初暖桃花雨更新那知誰甲子且復醉
芳辰

流年頻假我天意似相私已少無聞日猶多大過
時綠交山桔葉紅亞海棠枝一片風烟裏春光人
不知

五十又餘五生生數所期南枝猶有待春色不妨
遲碩果義皇物瑤華姑射姿東風如有意莫遣鬢
如絲

友人餉瓶花

桃花愛人日日更生姿
小吐枯篁外微含雨雪
時寒辭沙渚好暖入玉瓶
宜野老殷勤甚春光早
見貽

早春喜宛平陳健夫枉顧沙亭村居

半畝虎門西門臨漲海
低人隨潮水至馬向落花
嘶雞黍高堂作琴書
稚子携君生孤竹里
只解愛夷齊

易水悲歌後燕人始有風
屠沽當日好市井至今
雄山繞黃花北河吞碣石
東君才畿輔少北鄙不
相同

憐予棲遯處谷口四無鄰
白鷺須孤往青山少一人
弄書兒女小爲道歲時新
未有蠲愁物憑君賦絕倫

殷勤山喜鵲不遺片帆回
月爲彈琴上花因酌酒
開水聲乾白石山影濕
蒼苔連日須陰雨留人在
嘯臺

明日零陵去還尋屈氏鄉
子孫三戶少湯沐九疑
長鸞鳥須多語蘭蓀不獨香
那能似瀟水隨爾入

清湘

時健夫將往零陵

送僧當人返廬陵文文山舊隱

蘭若富田地名東文山正氣中
猶餘河嶽在不恨水

雲空暮磬催林鳥秋燈急艸蟲墓門螺子近遲我

哭西風文丞相葬螺子山

花朝社集西禪寺

水國多煙雨春光一半遲花從今日得鶯與故人
期浦有沉香氣林多翡翠枝玉壺携不遠蘭若任
江湄

舟入羅旁之水將訪西寧張明府有作

水斷頻無岸山開漸有林花愁漁父識藥喜野人
尋雞犬仙家物牛羊太古心炊烟時一起散作白
雲深

山口一溪分舟隨白鷺羣花寒因向水石濕為生

雲草色千峰染林香萬壑薰灣環殊未已灘路苦

紛紛

溪盡山城出高高在亂峰厓飛千樹瀑石響一林

鐘葉落傳人語沙乾失虎蹤夕陽茅店外樵影下

寒枯

瀧西山水縣喜有令君賢瀑布為膏澤桃花引客

船夷門公子禮新語大夫篇定識相留處行春白

鹿邊侯大人

龍井龍井在西寧治東三里半山之中大僅尺許深五寸滲出沙底不盈不竭味甘

以列真坎之水也張令作亭以覆之屬予為詩

瀧西一龍井涓滴是真泉有本雲根裏無聲瀑布

邊寒宜帶冰食暖待掃花眠清絕使君愛爲亭向
紫煙

方寸一泓碧秋光映欲空月生明鏡底天在素華
中石作銀床好漿憐玉井同使君頻汲取嘯詠隱
之風

立夏前二日留春

未見春光盡依依在暮煙忍教花雨送愁使柳風
牽一日猶青帝三朝卽絳天夏爲絳天流鶯無限語相
約在明年

清和明日是未忍別殘春相送如南浦相依似故
人花光重淚濕柳色更愁新催得含桃熟鶯聲亦

苦辛

送錢明府

棠舟君莫發且待荔支丹五月炎洲好千林火實
寒涼生兒女葛香滿大夫蘭以此畱吾子家家白
玉盤

題徐太史楓江漁父圖

羨爾吳江客鱸香滿水雲如何白鷗好忽別太湖
羣明月此何夕秋光曾在君蕭蕭楓正落一葉夢
中聞

夢裏一峰青依稀西洞庭平生愛林屋未得隱秋
屏白鷺自高下梅花相杳冥君家在何處招手且

虹亭

以香根一枚爲黃位北壽繫以詩

莞中黃熟好香乃在孤根生愛朱砂土名傳金桔
園美人宜服媚長日共寒暄尺寸持相贈如蘭更
一言

壽李中丞

召公至南海疆理盡炎荒一柱分新息三城控夜
郎恩深蕉浦雨威凜栢臺霜父老爭爲壽菖蒲九
節長

客至

有客到茆茨窓垂喜母絲凍醪開甕早生菜上盤
遲代食嗟無日躬畊幸有師蕭疎一叢菊寒賴故
人知
軒車勞長者不敢閉門深父子龐公業妻孥靖節
心雪寒花更細雲暖葉多陰稍待栢間月娛君有
素琴

割帶

自割蓮枝帶相思直至今花中時有影鏡裏絕無
心小像薰香暗遺衣褰玉深海棠應盡化淚漬蘇
門陰

徐孺子

巖巖徐孺子玉潤早流光明鏡有餘鑿生芻空自

芳南州憐宅在東漢恨人亡今代無高士風流爾
獨長

洪兒

生身從少母尺口苦饑寒小字青箱好新衣白越
單描書斑管細礮面碧桃殘未飲聰明水童蒙且
自安

異日勝耕作山民是小麗練裙寒好著花筆大須
扛天地餘南畝羲皇在北窓無心頻命子酌酒且
雞缸

初月

乍成秋水魄光未碧空流白露微霑影黃雲細摺
愁蛾省能幾夕玉鏡好禁秋豈有齊紈扇團圓至
白頭

過黎丈園

野老多黃菊枝枝映酒開露華香滿手花朵大如
杯以我餐英客相期步履來籬邊分數本秋色一
肩回

可惜 乙卯作

可惜功名會先人友後人才疎應早退貌惡自長
貧草出偏含雨梅開不及春徒然三載別憂念累
慈親

出處因讎敵平生烈士雄道孤難自立才拙易爲

窮衆鳥啁啾裏文鸞困抑中江潭思見放復守蕙
蘭叢

中厨燒笋熟下箸忽凄然不視高堂膳難歸下海
田淚知三婦滴身恐一人捐未拔資禺郡明春可
勞旋

水東夜雨作

欲夢驚寒雨瀟瀟亂竹間髮因慈母白身以散官
閒戰陳平生事衣冠一代顏將歸偏未得咫尺是
鄉山

三年客始安兩度苦春寒士馬同筋力華戎見肺
肝居西隨太白逐北至皋蘭明歲桃花發應從故

國看

甚須春雨洗戰血滿乾坤已見三秦克仍聞百粵
吞地平無北口天固失荆門臘酒須斟酌歡娛寄
弟昆

壽兩廣制府

吉甫兼文武詩多肆好風裕高還自誦燕喜復誰
同孝友期張仲經營似召公對揚稱萬壽受命正
無窮

元老多風雅西京一代才繇來大司馬詩冠柏梁
臺五嶺爲銅柱三江作玉杯持將介着壽復有庾
關梅

名世生東浙文成復有人天南開節鉞嶺外起經綸雷電成章早山河入誓新炎方永師保天與大年春

贈吳吳興

一麾江海日賓客幾人存白首携雛鳳炎方聽暮猿詞人推祭酒故事問開元
施艸持相贈湘纍有一孫

贈劉生

十八冠軍年沙場奮玉鞭劉生元俠少漢將好飛騫劍口寒星出弓弣滿月懸先平南越去却到朔雲邊

贈別吳門朱雪鴻

亦是青青艸如何獨有芳相知一漁父欲去是清湘二女元仙姥三閭亦楚狂含情贈瓊佩珍重繫羅裳

勇絕專諸子當年學炙魚人留刺客傳巷有伯鸞居廡下雖逃世春邊亦著書吳人能用劍風俗近何如

平生人事拙名外得夫君有子隨黃嶽無家在白雲桃椎時織屨西子每湔裙高潔誰能似蘭葩亦未芬

羨爾多賢友書中姓氏留明春來茂苑之子識西

舟王霸從無種文章自有秋田園何必問吾道本

雲浮雪鴻有友誌西舟子友中之奇士也

塵尾平生物兼之白鷺翎相貽惟皎潔相賞更沉

冥石氣薰黃浦湖光浴翠屏殷勤期汝友艤棹采

香涇吳郡陸修靜以白鷺羽塵尾扇遺同里張融曰此既異物以奉異人

金昌亭下墓傳是漢梁鴻身似要離細心因七首

雄憑君披宿草與客溯高風復向臯橋畔長歌中

伯通

崑山陶峴好浪迹在雲煙天性元麋鹿人言是水

仙風流君最慕高尚世爭傳安得三舟去重浮碧

海邊雪鴻字二陶崑山人

勿復求當世江東作步兵生前應自適身後不須

名千里尊長美三江水復清彈琴小漁舸隨意太

湖行

吳船多六柱一一受風涼藕是傷荷好松惟濶葉

香湖中魚斗大溪上酒城長歸及小兒節瓜蔬滿

畫堂吳人以七夕為小兒節君行正及七夕

傳聞言偃宅古井接潮波一片洗衣石千秋生薛

蘿精華南國盛文學大吳多君愛琴川上遺風總

善歌

西山林屋畔祿里舊成村地肺無秦漢芝華有子

孫仙人須佐命白首未忘言終隱誰能似淮陽一

老尊

祿里先生吳人

綈娑鳳州柳枝葉最垂垂絮向白頭撲花兼紅粉

吹年年分越女處處寄湘纍清婉吳音好相思定

不衰

柳以鳳州種為佳惟吳門有之

贈錢唐趙上舍

天南惟翡翠最解媚蘭苕相見如初日相隨似暮

潮才華武林客光采紫宸朝饑渴須瓊樹承君玉

佩要

送趙芳佩

羅浮梅樹好爭得似西谿歸去紫騮馬朝朝花下

嘶昔予在河渚與客踏春泥君試求芳迹柔桑十

里堤

相見只斯須難留是白駒自君來合浦不敢說明

珠才美無三楚情深在二禺故人大毛子書肯問

菰蘆

毛謂馳黃

吹葉詞為舒亦蕃作

仙人吹木葉一半作鸞聲夜夜碧空外風泉相與

清蘇門無此嘯太上有餘情誰識元音好多從茱

萸生

吹茱萸葉音尤妙

忽似蟬嘶亂淒清葉底來月因三弄上花以一聲

開人籟那能好天心日已哀可能當黍谷吹得暖

風迴

聽慙上人彈琴

揮絃作神化一曲海風涼多少
楓林葉無聲到夕陽軒窓苔
蘚冷衫袖苾芻香琴外無山水
相留此石牀

伏日吳方來招飲

避暑惟須飲相邀向水涯
東方難割肉河朔且浮瓜
葵扇搖明月桃笙布淺沙
主人歡襜褕更遣數來家

贈別徐子卿

君亦襄陽隱山民是小龐
田園無素業煙水且炎邦
漢月懸銅柱蠻花撲玉缸
荔枝歸獻好賢父望

三瀧

尊人蘭生先生丙子孝廉有高節

沐犢猶無匹牽牛已有期
時將七夕朝飛憐雉子夕寢憶熊羆
粳稻全收日芙蓉半落時
涼風休得早吹白鬢邊絲

共是單家子棲遲日以貧
黃香無大袴徐庶有疎巾
蟬飲惟清露魚行只白蘋
而翁早高逸吾道在遺人

從鮑爾先乞英石

如何巖洞好總在一卷中
蒼翠合秋雨巉巖上碧空
從君乞山嶽與我必率高
不盡臥遊意依稀白帝宮

題蔣玉淵馭鹿圖

仙人有騏驎白鹿與胎禽君與鳴鹿者依依松樹
陰無人共甘艸有道即長林何物為王霸雌雄且
自深

喜鮑子韶來粵

復作江城客蕭條亦自悲行吟漁父側長跪老人
時雨減惟腰帶霜驚是鬢絲沙邊一寒鷺孤立有
君知

窮交當此日愁苦益相親白壁空投世黃金不識
人難求問里俠易逐水雲貧蕭瑟秋將起言歸欲
愴神

友道至今絕肝腸獨有君英雄愁失路知己惜離
羣鴻鵠誰無志蘭蓀自有芬袖中一統扇努力待

南薰

自來惟鮑氏詩冠六朝時有子須君寄無才愧爾
知交因貧賤好情以死生移羽翼相須甚摧殘昧
所之

贈杜十五

英雄多美色糠覈最肥人有恨長貧賤無時且隱
淪城邊車轍滿江上席門新黃老何須學君才已
絕倫

寄桐岑禪師

師居西洞庭朱
雪鴻將往訪焉

七十二峰青如君亦翠屏相思與春水流滿采香
溼有路迷煙雨無心在杏冥故人朱處士應許叩
禪局

寄錢唐毛稚黃

故人如有問明月是平生流照南屏上秋風相與
清所思重携手長嘯一含情白髮且高臥山書知
已成

送周丈

五侯賓客在慷慨有君卿吾道須遊俠君才已老
成水浮海陽郡山別尉佗城未有一尊酒難消繾
綖情

送黃子之晉康

爾去小湘峽嘉魚未及時祗應錦石上一與白鷗
期高詠徒爲爾忘憂不在茲江邊得朱艸且薦大

中祠

陸賈也
大中大夫

贈黃叅軍

知君宦遊倦歸臥憶青溪他日陶公柳參差煙水
西籬邊有黃菊門外卽丹梯未老能高逸仙源定
不迷

青蓮詩俊逸總是學叅軍六代復誰好風流今在
君林泉多白日軒冕一浮雲將我紫霞飲杯中有
衆芬

以紫霞
杯爲壽

送劉參軍

故人越石父已有解驂人自此多知己相依况老
親掛帆珠海月驅馬薊門塵風雅忘憂物毋令白
髮新

秋夕與琴客作

獨坐偏宜夜秋光是客心如何明月影只愛白雲
林露滴花中酒風鳴石上琴蕭蕭數風葉傳得濕
泉音

送吳客

吳中多寶劍汝得一千將色吐陰山玉光含古錦
囊三關遊俠地九塞少年場我友西秦在相思道

未央

泰山詠遇和許生

百尺秦松上飄飄一羽衣雲擎芝蓋出鳳帶玉簫
飛垂手弄銀漢携予登翠微多慚許斧子得遇右
英妃

昔我

昔我浮家去依依在漢陽無窮惟木葉不忍過瀟
湘白鷺同華髮青山是故鄉不知漁父意何事愛
滄浪

送季偉公之博羅求其先人治蹟

爾亦浮山似浮來只博羅蒼蒼峰四百一半與滄

波令得仙公少人思鮑靚多般勤從父老遺愛問
如何

送友人之京營葬

匍匐京東去先公返葬時鳥傷河上土猿哭墓門
枝霜露沾濡早牛羊躑躅遲沙場多戰績淚灑道
旁碑

賦贈粵東典試劉工部

駟馬中郎客梅花水部才大文持玉尺元氣酌金
罍盡網珊瑚樹窮探明月胎斑駝歸莫遠秋滿越
王臺

題顧麟士先生織簾居晚望圖應令子伊人

之請

東吳耆舊在人向織簾求父子書頻著妻孥食未
謀山中餘日月世外有春秋莫倚斜陽望蒼茫易
白頭

煙水未迷津漁夫笑避秦無窮衰艸地有盡夕陽
人雞犬中華物桑麻太古春龐公餘素業有子作
山民

秋日書懷

梁鴻元烈士范蠡本狂人奇策知無用高風祇自
親青琴依學道黃菊笑居貧圖史春邊滿吾生合
苦辛

愁中宜日短病裏愛天寒白鴈冬方聽黃花臘始
看故人頻涕淚知己又凋殘努力支長夜床帷未
敢安

布席

布席勞貧女餘光乞彼姝自憐顏色少不嫁卽羅
敷蓬垢羞膏沐清狂笑酒壚白頭吟莫苦意氣古
來無
彼美東鄰子頻歌棄婦篇昭陽曾幾日永巷已經
年楊柳徒多絮芙蓉自少蓮不如若耶上終老綠
苔邊

讀吳野人東陶集

東陶詩太苦總作斷腸聲不是子鵲鳥誰能知此
情哀猿相叫嘯落月未分明夜夜同凄絕教人白
髮生

江南與江北秋總在君家一片蕭條意含陰作海
霞何須雲際鴈不必雨中花已自堪腸絕聲聲入
暮笳

金魚池和人

槐柳天壇下朱明暑氣蒸銀燈燒夜月銅椀賣春
冰蘇合裘初解芙蓉舫可乘美人油壁至多自越
西陵

哭顧亭林處士

鴈門相送後秋色滿邊城白日惟知暮寒天詎肯
明纔分南北路便有死生情皓首悲難待黃河忽
已清甲子河清

聞藍子談武夷折筍隱屏之勝有作

折筍愁將折飛梯恐遂飛峯隨九水落雲作一天
圍山鬼秋多嘯羽人寒未歸他年三十六勿使一
峯違武夷有三十六峯

寄贈武進陳古民丈

令子稱高逸家臨白鶴溪有時從地肺潛出洞庭
西書畫松江似風流董氏齊芥茶親製就壺向二
泉提

後嘉魚詩甲子

去歲裕臺下同人總在茲嘉魚驚入饌端水喜流
澌石室梅開候羚羊雪積時玉盤分幕府飲御重
相期

南有惟湘峽兼之楊柳沙味甘因石乳色好以苔

花出每乘深霧來如漾片霞今年風日暖富有是

漁家嘉魚產德慶之大湖小湖二峽及楊柳沙潛
巖穴中以石乳苔花自養冬間天暖有霧乃

出順祥柯江水而下至春則稀矣

風暖出巖穴浮游大小湘今年炎雪少更見錦鱗
長十里行廚滿三時下筍香重唇似灤鯽北客未
會嘗

天寒齊出穴一一峽門東水上餐南霧巖間避北
風忽教珠市滿頻使玉盤空蛋女金錢數紛紛解
艚中

丙穴卽端溪朝來出水齊長隨漁父去每恐白雲
迷錦石山之下羶羊峽以西一冬無所事苓箸只
親携

客邸頻留客嘉魚一味鮮繫船高峽口作膾大江
邊黃鳥喧冬至梅花盛小年滿城柑子熟酒渴不
論錢

釵珥家家買甘腴一一霑多調花露酒少著水晶
鹽冬逐江湖出春歸石穴潛明年長至候更得滿

問閩

風俗嘉魚會人人至日間東西三峽內上下二州
間臘酒多宜壽梅花盡解顏老年宜食鱠堪治二

毛斑

羚羊峽在東大湘小
湘峽在西是爲三峽

二州謂端
州康州

半在崑臺市漁船買更鮮自煑香積外相饋大寒
前小用蔥花糝輕將酒子煎雪兒能勸客歌曲有
餘妍

價貴難論斗殷勤向老漁穿教蒲草細養用玉缸
虛泉冽羹逾美花肥肉有餘年年小寒節不忍當
園蔬

多刺鱗魚似無腥瓊瑤同三冬乘雪後一夕滿江

中莫損宜輕網休驚貴短篷
篔簹憐好尾影過石潭空

小雅知名早詩人幾溯洄
頻從絲網得不上竹竿
來一下文犀筋忘持白玉杯
相酬無好詠深愧大夫才

聞鴈

一聲邊鴈落孤客最先聞
是夕蘆花渚扁舟宿白雲
煙迷南海影風斷洞庭羣
甚有懷人字殷勤欲託君

自端州載嘉魚歸春山岫堂

昔慕嘉魚美名傳小雅篇
豈知吾越有得奉老親

前三日微茫路雙盤潑刺鮮
白頭遲下箸念父在

黃泉

自向端州買持歸涉海潮
養須泉水活莫用滑甘調
小博高堂喜頻將素友招
兒曹不知味饜飫得連朝

黃岡

黃岡村最好斜對水巖開
紫石家家琢青花一一裁
蕉心乘雨出榕影逐風來
向夕蘭舟泊微聞猿

嘯哀

黃岡在羚羊峽西村人以采巖石為業凡有五百餘家琢紫石者半白石者半紫石以水

巖所產色似羊肝帶血有蕉葉白火捺青花者為貴

此地耕桑少人人割紫雲
雙縑天際至一片水坑

分蕉葉含純德羊肝出大文深慚無著作只寫白
鷺羣

村小當高峽家家擁石林琢磨兒女力揮灑聖賢
心造物如相惜生涯豈至今老巖開自宋日見斧
斤深

端州多巧匠生長此山邊活眼開鸚鵡真花養水
泉峽中探黑穴巖裏踏青天最是東西洞能消十
萬錢

水巖石東西
二洞尤美

日夕穿山腹深深至九淵雲膏含水軟玉髓得風
堅小鑿從唐代重封自宋年神靈呵爾輩斤斧莫
爭先

猪肝真紫好得水見精微隱映青花細溫柔煖玉
肥蠻奴高索價洞口半開扉純粹無多片心傷識
者稀

端溪開采研繫艇峽江濱匍匐窺巖口殷勤問峒
人千金開未得一片乞須頻細認莓苔字方知此
穴真

水巖須費
千金乃開

石匠欺人甚真巖有是非元精吾尚識至寶世原
稀贈客重包錦酬工數典衣銘辭須古奧一一使
垂暉

書胡春坊述祖德詩後

今祖諱友信萬曆初
為順德令築城禦寇

有功德於民
廟食至今

海邑多遺愛人思子大夫精靈三粵在俎豆百蠻
孤功德光前史文章啓後儒賢孫能早達展拜到
枯梧
不承惟烈祖大雅有慈孫作頌歌先德流聲滿越
門精微爲孝享羽翼是文言肅肅典型在欽哉汝
後昆

贈潘季子

謝家先幼鳳早已振家聲羽翼從炎海翱翔上玉
京珠當明月吐梅向小春榮祖德西臺舊還高一
代名

有所思

美人日已遠春草日空深欲去瀟湘隔兼之雨雪
陰相思生白髮相寄祗彫琴安得飛龍馬隨君入
桂林

甲子歲除作

欲寒先作霧將暖更吹風歲盡從今夜春來自故
宮草猶含蕙綠花已破桃紅臘酒琉璃盞殷勤入
掌中

白首荷蓑笠居然農丈人野功休晏歲山事起初
春雨氣橫林半煙光出水濱鶯聲那不早開我笑
顏新

歲除無一事堪酌送愁杯花以明燈喜春因爆竹

催山寒多夜雨地薄易冬雷命隻悲何益尊前正
有梅

乙丑元日作

是日立春
有微雨

易逢元日暖難得歲朝春雨色含山淺煙光映水
新筐開花勝小盤出菜絲勻却笑夭桃朶顏紅不
及人

人日承高廷評張處士見過有作

蓬蒿誰枉駕君問讀書牀正可求三益何須在一
方天因人日暖春以酒杯長得似斜川否開年第一
觴

哭蔡二西

四十顛毛白知君不永年無心非著述有淚是山

川兒女遲婚嫁圖書早棄捐陶公頻絕筆甲子仲

冬前

君以甲子年
十月棄世

柳下工何益徒勞玩世心代農非此日依隱且空
林縱飲無餘事狂歌直至今人間蜩蛻早哀樂恐
情深

相憐被髮久未戴建安巾慘淡南陽氣蕭條朔漠
春命難盤石固愁易落花新一日歸蒿里皇天鑒

碧燐

故國頻興廢徒傷命不辰無能迴白日得死卽長
春溝壑難畱汝江山易屬人英雄多鬼伯催促作

黃塵

與子昏姻好圖將慰寂寥男憐嵇氏幼女愛左家
嬌骨肉能相保精靈自可招尚平家累重身後恐
飄搖

生死相忘久心惟造物知琴張編曲日桑戶返真
時病豈傷哀樂貧能損孝慈平生歌哭意誰與子
輿期

薑尾銀鉤好君嘗愛我書頻教團扇滿不使練裙
餘石氣含雲冷花光影水虛重來揮灑地苔蘚沒
庭除

東官雖咫尺匍匐苦難前白馬遲三月黃泉已半

年結婚圖好永知己使情偏自分惟孤立從今謝
世賢

奉詔高廷評謾苑

信美高廷尉名尊漢殿中法冠辭薊北使節到禺
東以我棲遲久相將嘯詠同無能善黃老繫襪愧
張公

鮫人何慷慨解作報恩珠淚下成明月光流滿海
隅君憐珍恠甚情與世人殊耳後雙懸好持將贈
彼姝

君見贈有時時發精
采弄此明月珠之句

一筆書兼畫時時逸勢飛丁真還永艸吳帶復曹
衣紈扇人爭得銀鉤世所希丹青能教我當作陸

探微

其憐人勝節歡賞及年華七種金盤菜千枝火樹

花相思經歲月相結且雲霞朝漢臺邊柳牽君白

鼻騮宋謝道韞不營當世與范泰為雲霞交

老龍玄牝客小鳳紫微人道以文章重情於隱逸

親鶯時雖有酒花外即無鄰君贈詩篇好長為懷

袖珍君見贈有春寒老龍顰牙鬚之句

汝亦尊南宋詞多學玉田風流朱十似輝映浙西

賢樂府宜新調離騷貴外篇珠娘今解唱莫使廣

南傳浙西有六家詞吾以爲湖朱十爲第一

兩粵山川路間關子大夫親裁南海記自寫桂林

圖負矢多香尉持箋有雪奴陸生人最笑金橐照

城隅

奉詔張超然處士

久知閩海上處士有君賢艸野心誰識春秋論自

傳家浮江左地客作日南天一見成膠漆情因道

義偏君有詩論春秋論

有愧林鳥甚艱難菽水才承君同來暫為我補南

陔貧使文章賤愁將歲月催江南思負米欲去復

遲迴

此日宜高尚方無愧白華無營元處子不辱即中

華臥盡林間雪餐餘海上霞浮雲多妙志與爾總

忘家

振筆天文似離離垂素暉相箴多雅頌相被有裳
衣吾道惟刪述平生亦庶幾君才尤絕麗玄上鳳
皇飛

自作漁簖賣吾師北郭騷家臨鮫室近樓對虎門
高一日雞豚少三年士馬勞無成徒白首愧爾贈
雄刀

白日無餘事鳴琴在石牀神明歸大易夢寐得羲
皇身爲諸華守書因一老藏君能相羽翼斯道有
輝光

送嚴止峯

爾有瀟湘竹枝枝寫贈人分予慈孝筭散作一林
春去及朱明節歸娛白髮親蒼蒼秦駐月長爲艸
堂新

張桐君餉我杭州宮扇賦此荅之

細摺金霞瓣輕裁寶月輪樣依南宋內製自武林
人煙霧乘鸞影虛無拾翠塵殷勤君見贈頓使手
生春

絕勝齊紈素懷歸好媚茲更將明月似分與小星
持荷片團圓處榴英灼爍時涼風起君袂花發夢
先知君袂用
易語

送琴客詹大生丈

長嘯和君琴風吹山水心不因天籟好安見古人
深自此夢中路兼之空外音聖湖明月夜愁絕一
人尋

寄徐孝先

銜哀四十春縞素一孤臣牧犢無家久烹魚有淚
新水圍河渚宅梅隔武林人苦節誰能似天畱不
死身

寄施贊伯

有友相依久謂徐孝先春邊度歲華如何臯氏後復有
一朱家水國同垂釣山園或種瓜西吳耆舊少餘
爾在蒹葭

至日同超然作

至日孤舟上家人憶拜冬驚寒因酒薄耐煖且衣
重艸綠添江色花黃減岼容薰爐微著火雪事話
吳淞

生女

垂老頻生女呱呱亦寢牀妻邊三織素妾處一平
陽但使桃花灼何須柳絮香先人畱姆訓一一與
珠娘
弱女多逾好陶公亦慰情艱難孩抱物斷續笑啼
聲漸漸吾衰老遲遲汝長成無窮婚嫁日貧絕累
難輕

歲歲生兒女今冬復惠芳
雙雙初設悅一一始扶
牀賣犬知他日乘鸞定
故鄉無令悲遠嫁骨肉日
相望

飲武夷茶作

武夷新茗好一啜使神清
色以真泉出香因活火
生摘來從折筍烹處正啼鶯
白白瓷杯裏花枝照
愈明

武夷茶以折筍峰
茶洞種者爲佳

先君澹足公忌日作

十二月五日

早孤無祿甚三十七年哀
不仕空承志非時敢見
才貧憐三世食老恨五男
催歲歲當殘臘嗚嗚哭
艸萊

墓木成圍久婆娑自弱年
夢魂多雨夜悽愴更霜
天畫像平時設遺衣忌日
懸父書難再讀最是教
忠篇

乙丑臘月十三日恭遇慈大人八十二歲生

日喜賦

詩人歌壽母今我亦同然
白髮俱難老黃流更駐
年人分長命縷客至小春
天歲歲萱花會無窮是
此筵

炎洲春色早臘月已陽和
花使高堂笑鶯教稚子
歌老萊歡不已長袖舞偏
多煖日遲遲好無令百
歲過

八十二春秋麻姑未白頭長年乞王母介福與康
侯稱老吾何敢承歡恐未周兒孫是萱艸歲歲賴

忘憂

第三句用陶靖節詩中語

兒年一甲子髮白與親同養志惟高尚遭時且固
窮鶯花知漢臘兒女解秦風白露蒹葭冷全家水
曲中

朱萼身雖老連枝得弟昆無營三處子有道一會

孫南雪多爲雨西山半入園孀慈無事極日夕御

輕軒

子有兩弟

白華磨錯久無欲是生平有恥甘違世非時敢殉
名晨羞牲鼎少夕臥水煙清以道爲甘毳蒼蒼識

此情

七尺人難許歸畊已十秋親安因不仕母老復何
求婦汲朝臨澗兒樵晚下丘陔邊春草色日夕更
思柔

喬木宋時村安親一小園白頭烏子母新粉竹兒
孫古老衣冠在虛無手澤存先公如不沒九十一
鄉尊

乙丑歲除作

年光微雨後春發大寒初花片沾雲濕松聲入水
虛酒因慈母飲詩爲小兒書不記誰家臘聞鶯識
歲除

又見薜蘿草春芽出土膏歲華愁裏失人事夢中
勞雪以乾風小泉因細雨高年年此除夕努力是
醇醪

年年生一口婚嫁尚無期蚌蛤三珠日鳴鳩七子

時孝衰吾豈敢忠養汝何遲阿婦殷勤道威姑百

歲姿子有三男
四女矣

燈花因守歲一倍照愁思學易偏多過加年只益

悲寒消陰雨後春轉曉風時辛苦青盲客皇天不

肯知

稚子眠難早喧喧到曉鐘煖嫌燈火少寒恨水雲

重鶯語催元日雞聲送大冬明朝書甲子又見淚

光濃

丙寅元日作

五十頻加七三年卽杖鄉朱顏貧更好白髮老還

長柏酒歌中滿萊衣舞處香履端何所祝旗翼與

高堂

親在寧言老康彊又一春但能如壽母卽此是仙

人竹葉佳兒勸椒花小婦陳白頭應有遇天意在

遺民

一自邊人至南中得雪看炎天無舊煖漲海有新

寒今歲春光早開年花氣乾深深元日酒好盡老

農歡

衣冠餘一客坐老故山春雞犬邨知漢鶯花亦避
秦歡娛從獻歲嘯傲及先民莫使青腰女今年點
鬢新

一冬思曝背晴煖向簷端豈敢愁年濕其如苦歲
寒舊枝和子拾新葉當花看野老惟天日關心涕
淚繁

哭從兄泰士

而兄嘗與汝弱冠事勤王間道從交趾趨朝到點
蒼一龍哀失所雙雁愧成行九死空歸去攀髯竟

渺茫

而兄謂泰士之
伯兄賁士儀部

哲兄先汝逝墓木已成圍僅後三年死虛同萬里

歸情深甘飲恨心在忍忘機我亦吞聲者哀歌未
覺非

高堂衰謝甚哭汝八旬時無命長爲子多才早得
師孤生摧折易一節始終持辛苦同松柏風霜總
不知

五十早衰年冰霜受命偏一兄先宿艸三弟亦黃
泉雁落初寒夜烏驚欲曙天無情腸已斷况復冷
猿邊

遺臣零落盡後死復何人鶴髮悲無日羊裘望有
身桐孤元半死薇在未全貧忽去同蟬蛻無言寄
老親

兒女皆黃口妻孥未白頭欲終烏鳥養長抱稻梁
愁客死依知己魂歸得首丘老親匍匐往險絕一
孤舟

與汝生庚午依稀近六旬文章同食力出處未違
親蒲柳憂先我參苓恥累人吾宗師表者少爾白
華身

時命哀無及平生淚在茲求仁商士志爭義楚臣
辭子舍魂長繞天形化未知清宵應入夢語我夜
臺悲

送泰士兄葬

峩峩千尺枯崩向此雲峰白日無饑鳳黃泉有老

龍名畱高士在墓待故人封痛哭辭煙樹歸時已
下春

細雨

細雨鷺毛似春初以此寒一天林未濕半日路猶
乾影欲沉花嶼聲先到藥欄出門愁滑甚有友隔
江干

哭殤女悅

乳鶯纔出腹毛濕未曾乾耳畔啼方咽懷中肉忽
寒初胎憐母小少淚使親安辛苦蜉蝣似重來路
恐難

天寒長在腹手戰汝啼時少乳愁珠母無眠累雪

兒華燈長不息繡襪亦重施四十餘朝夕匆匆不肯遲

薑酒香難已方收滿月筵家人將錦剪鄰女把珠穿
凶髻寒難戴搖籃煖尚懸無端來誑我孩笑在堂前

諸殤教涕淚六度復而今累以清貧重情因老大
深有身纔及尺方殼未成音小小曹金瓠嬰魂何處尋

葬從兄與姊三尺及泉黃戶外燒文葆墳邊奠乳漿
無知難識路不哭已沾裳物化徒勞爾休爲蝶與莊

食白蟊

正月蟊出雌雄總有膏絕其全在殼雖小亦持螯
捕取從沙坦傾將入酒糟野夫貪價賤日夕下醇醪

風俗園蔬似朝朝下白黏難腥因淡水易熟爲多
鹽餽客雙瓶少隨身一盒兼兒童頻下水多賣與閭閻

山茶

朶朶寶珠春分明媚殺人瓣沾黃粉濕鬢染紫脂
新十日開能耐雙枝折莫頻却嫌多葉甚一半掩朱唇

兒明洪生日示之

二月生明日懸弧是汝期豚兒慚教少驥子恨生
遲衣薄吾空問春寒爾不知父書能盡讀深望長
成時

九齡猶失學汝懶豈吾兒名父難為子貧家未得
師詩書雖不好紙筆亦同嬉弟妹多歡笑須令祖
母知

角髻雙垂小桃花戴亦宜猶令作嬌女未敢說佳
兒九歲蒙難發三經讀已遲圖書吾畎畝望汝更
耘耔

苦汝因高節饑寒更幾時敢求兒智慧但望我耆
頤成立那能早慈威亦未遲十年吾杖國看爾有
孫枝

瓶花

瓶花吾與汝相對一春多白髮今如此天桃奈若
何養須生水好薰用熟香和日夕壺觴裏狂夫但
有歌

最是桃花口偏多欲笑時紅顏吾解駐白髮汝休
欺玉女漿無盡仙人祿在茲玉壺留日月長照歲
寒姿

手插梅枝得活喜賦

綠萼和枝折乘春插即生水留元氣在土得上膏

榮造化非無本東皇亦有情他時根盡發移上玉
缸輕

波羅江上作

南海陽明谷扶胥浩淼流龍銜紅日上蜃作白雲
浮十里鶯花滿三春士女遊祝融兼水帝祠廟在
章丘

攀枝花

朶朶天邊發燒雲是木棉丹樓開十二玉女笑三
千瓣裏巢紅翠鬚間吐紫烟越王烽火樹多在祝
融前

朶朶爭紅日枝枝作燭龍炙天光盡煖映水色還
濃不葉珊瑚似全花彩翠封年年春二月先發海
邊峰

枝枝將海日吐納在朝霞自是炎天德全鍾大絳
花香薰南海帝紅映越人家么鳳紛無數鬚邊立
不斜

立春日送雁

一聲辭漲海飛向雁門歸是日春盤會因君啓竹
扉相看人漸遠相憶字應稀南國如今日誰言塞
上非

瓶中桃花

暖令花大朶一一向瓶開笑入佳人鏡香浮上客

杯芳春殊未半嫩葉莫相催及此天天好溪邊更折來

訶林雅集

訶子虞翻樹陰含漢代青千年無嘯詠一日且沉冥花少因寒食鶯多爲玉瓶東風香浦至解帶挹清泠

送錢子日天

年來珠海客如爾獨難歸今此春將暮方隨鴈北飛狂歌元有道名飲未爲非異日浮丘上重遊定不違

到手泥沙似黃金不使畱珍禽市瀧水錦石買端

州持此娛三婦兼之遣四愁未知么鳳子可得一雙不

春草能相送依依直到家無言江上柳不及嶺南花戶向山塘掩行緣石路斜殷勤人載酒奇字與侯芭

贈杜陵劉漢臣

老友年來盡餘君是故人心猶青歲壯情以白頭新饑渴催爲客恩仇待許身相逢休慷慨且飲玉杯醇

蔡澤能知命飛揚在暮年臥龍須老大躍馬未屯邈飄泊高堂外艱虞白髮前無窮忠養事十口總

茫然

布衣吾與汝貧賤古人中事去才偏老身存道未窮燈含杯影綠袖隱劍光紅又作湘灘別依依一轉蓬

詠古

艱難垂釣日一食困英雄漂母哀何晚王孫報欲窮龍興遲沛上虎視正關中市井無知己徒高國士風

杜鵑花

子鵑魂所變朶朶似燕支血點畱雙瓣啼痕漬萬枝開當寒食後人正斷腸時望帝春心在花含萬

古悲

春日沙亭作

梨葉春方落無霜亦自紅移花教日到疏竹使煙通北灑過雲雨南吹作霧風故人抱琴至清響滿墻東

霧重知天暖今朝減一衣雨應隨濕至風已送寒微芳艸愁將滿桃花恐遂稀鶯雛嬌不語似惜美人違

王將軍府中牡丹盛開有賦

絲來南海上未有雒陽花植自將軍手頻開朶朶霞香教天早煖紅使露多華越客爭知得春光出

魏家

花估持來遠兼金買幾枝露香多在藥酒暈更生
姿地暖重樓少天晴淡粉滋將軍饒麗藻最與紫
芳宜

西洋郭丈贈我珊瑚筆架賦此荅之

何年沉鐵網海底得枝枝以此爲鈎好偏於挂鏡
宜親勞如意擊重向玉臺貽才愧徐陵甚難爲架
筆時

分來烽火柏持作筆牀先小架宜斑管長書得錦
箋歸憑纖手潤益使大紅鮮未有瓊瑤報殷勤奏
短篇

哀梁氏文姑

十六歸吾室蘭雲覆額初王家桃葉似石氏懊儂
如未老鉛華洗長貧筆墨疎芳春三十四花落委
庭除

忍棄雙兒去匆匆赴夜臺死亡多口讖齋戒早心
灰玉化紫煙氣珠傾明月胎事予空二九朝露苦
相催

稚兒初咽哺無母與肥腥斷乳纔三夕扶牀始四
齡無窮哀子日有盡老人星風雨衾裯冷淒淒想
淑靈

離家未十朝蕙艸汝頻凋不及黃泉送空期紫玉

邀醫來無術救巫至只魂招鍼藥平生少桃花致
早夭

美目應難瞑無依膝下兒茫茫成立日落落賤貧
時苦節勞妻子多才致渴饑腹中無限淚滴盡不
曾知

失時傷汝極多日中風淡香好魂難返情多魄恐
沉兒癡啼欲抱姑老哭無音濕盡其君袂朝昏淚
不禁危時筮得
節之二

殷勤湯藥事兩抱女君哀亦復歸蒿里無緣逐老
萊三人無百歲一穴作雙臺左右分黃土連陰待
種梅女君謂王黎二孺人王五年二十有四黎三十
有一梁三十有四共得八十九年傷哉

怪鳥啼三夕聲聲入曲房非祥吾早識薄命汝偏
當忽絕青琴響頻埋碧玉光免懷雙稚子猶自喚
姨娘

好色平生累情淡可奈何老知偕老少愁爲莫愁
多肉割勞方朔丹成失鮑娥仙人難曠達哀樂損
天和

白楊風葉下三度送紅顏涕淚慚如水恩情悔似
山空多閨閣累未有嘯歌閒哀痛平生足吞聲返
竹關

送劉生之金陵就昏

生乃安國公劉
公肇基之孫

少年頻首路江左問鄉園廉吏難爲子忠臣易有

孫禮方羔鴈執詩有兔絲言自此孤生竹依依泰
岱尊

此去非爲客枌榆是故都壻憐齊贅好兒念羽林
孤烈祖丹書在先人素業無雞鳴思大母回首白
頭烏

外舅吾知己殷勤爲致書地非三楚舊人是六朝
餘散帶難雲臥牽船已岼居不知徐庾筆奇麗復
何如

贈汪少府

三年勞佐郡每得接清芬不飲石門水何殊銅柱
勳仙人能有政令子復飛文千里趨庭日英才莫
不聞

大司馬吳公惠田賦此奉答

公憐烏有母髮滿白頭霜有恥歸薇蕨無才致稻
梁文章徒賣力春杵枉辭鄉十畝承嘉惠從今菽
水香

繇來仁者粟方與養親宐更受山田賜彌慚石父
知白今爲黍早不惜采蘭遲勤動同妻子長懷粒
我私

送吳四會之任漢州

綏州君不愛却愛漢州遙忍舍南津水東西接海
潮香寒柑子戶翠濕木棉橋父老長瞻望雙旌拂

大甕

四會古南綏州城東有南津水

此去蠶叢路無窮是杜鵑錦官雙水外白帝萬山前司馬辭章美文翁教授賢政成知不久飛鳥紫薇邊

送李孝廉道過萍鄉訪邑令尚使君

何處能為政萍鄉有一人君聞玉琴響復見桃花春德化連南楚聲華動北辰訟庭無所有山色九峰新

送英德陸明府

絲來太白老秋浦最相知山水如英德風流似昔時梧桐乃遺愛楊柳是將離子弟多為壽雲州有

所思

時遷雲州守

贈某湖州

昔作蕪城守情同杜紫薇女憐紅淚濕謂村人得

紫雲歸

君嘗得某妓

江總前身是揚州舊夢非君家九

賢堂上客觴詠日依依

君於湖州建九賢堂祀先代之為湖州太守者

壽張母

令子青雲早翱翔慰北堂不因熊膽苦爭得鳳毛長秬黍三春酒梅花十月觴詩人歌壽母風雅有餘香

贈某廣文

已謝師儒事殷勤尚在公東山棋局外北海酒尊

中白髮雖難老黃芝亦養蒙賢勞誰得似日事尉
佗宮

贈新州區丈

新州廿四峰君得幾芙蓉老去杯休放春來酒貴
濃暖煙長在藥炎雪不知枯日夕芝華裏微吟入
暮鐘

題張丈香隱園

炎海多香物無如荔子香丈人親種者可有素馨
囊花釀三春酒溪流幾處觴明年過夏至待我讀
書牀

題真公坐石小影

似茲盤石好何不晝眠來豈爲白雲冷兼之多古
苔坐當孤月上心與一花開誰與共禪寂清猿夜
夜哀

從友人索取柑子

君自綏州至應多柑子黃玉盤堆更滿纖手擘偏
香噴客多含霧甜人已飽霜就中魚凍者分我一
籠嘗

送黃太史

今代文章伯婁東有一人身猶金馬貴書已玉杯
醇擁節過南海乘輅下北辰相逢語經術一一是
先秦

稷下諸儒在荀卿最老師斯文無菽粟吾道望耘
耔酌酒臨香浦安花在接鼙琴中有先哲相見撫
絃時

黔中爲使日風俗記諸苗負弩相如泰浮槎博望
遙文能助干羽詩欲佐簫韶駟牡經全楚蠻花處
處邀

漢代黃香在無雙是五經多文畱海嶽有道在朝
廷別袂牽長水歸帆拂翠屏他時東閣啓應念一
飄萍

老我惟周易玄亭在日南無人問揚氏夫子卽桓
譚天地心相契義皇夢正酣京華見知己爲道雪

麤麤

悼梁氏文姑

二八歸予好天桃性早華尚懸明鏡月未疊錦衾
霞在祿雙雛小當簷一壘斜啾啾誰哺汝毛羽漸

紛葩

兒明洪明治
乃梁所生

化爲烟與霧夢裏日氤氳燭已花間滅琴猶月下
聞魂應哀鞠子影定繞慈君父息情無極悲啼向
一墳

顧復無常母孤兒最可憐扶牀方四歲飲乳未三
年日日黃腸側雙雙白首邊一秋情抱惡無曲與
冰絃

少小青春日行行細馬馱隨夫衝雨雪抱子涉風
波色以餐桃好情於割肉多悔予長擲管未暇盡
雙蛾

人日追哭孟王

是日孟王生辰

年年人勝節憶汝罷銜觴淚向生前盡情於死後
長鏡畱秦地月衣滅漢宮香屈指從庚戌悲思十
八霜

丁卯初春作

一冬因太暖釀得一春寒坐恨花多濕行愁葉不
乾陰從人日甚雨到上元殘已是無情緒鶯聲更
不歡

細雨從開歲濛濛已浹旬那知垂老日尚作苦寒
人煙火吾方冷鶯花爾莫春柳條長復短牽恨過
東鄰

天含春氣濕似淚未成流人去空留恨鶯來卽喚
愁已青黃木浦未綠白蘋洲莫更吹花雪茫茫使
白頭

平生明鏡裏未有一愁心老去方多恨春來欲廢
吟鶯須憐夢好花莫笑情淡一夕生離淚無端在
錦衾

奉壽天雄成少傅

天格康公壽無疆是此辰宗功還介弟相業似先

臣玉杖敦長日
之得大春老人今北極光抱日
重輪

寄真公

十度星巖去依師一片霞不因遠公好爭見白蓮
花醉石勞相待浮雲尚有家持將蘭蕙艸且結爾
袈裟

七星巖東
峰有醉石

爲陳震方題獨飲圖

之子能酣放安知非酒星令人笑嵇阮未是古沉
冥白髮有何事狂歌不復醒爲君作圖畫箕踞一
峰青

